



左海詩藪

愛

^ 18
2310
5

七



13
2310
5

左海詩藪五



崔慶昌

字嘉運
上府使

號孤竹海州人

宣祖朝登茅堂

孤竹平壤次鄭大諫雨歇長堤草色多之韵曰水芹
悠亡楊柳多小舡爭唱采菱歌紅衣落盡西風冷日
暮芳洲生白波許筠云殊好有王少伯李君虞餘酌
然自是採蓮曲非西京送別詩本意也

成斯文某為楊州牧使畜一娼名梅花沉惑廢衙崔
慶昌贈詩曰官橋雪霽曉寒多小吏門前候早衙莫
恠使君常晏出醉開東閣賞梅花蓋用何遜事以譏
之

近來學唐詩者皆稱崔慶昌李達始取善鳴者而錄之崔慶昌過南寮大隱巖有詩曰門前車馬散如翔相國繁華未百年村巷寥亡過寒食菜萸花發故牆邊又如中原有將軍戰死作挽歌曰日沒雲中火照山軍于兵近鹿頭関將軍自領千人去夜渡灤河戰未還

尋僧舍入山中忽失路口號一絕曰危石才教一徑通白雲猶自秘仙蹤橋南橋北無人問落木寒流萬壑同其失迹棲遑之恨在於言表吟之悵然芝峯云李達詩風泉響落秋山空石門月出踈鍾浚

道人讀罷黃庭經夜掃天壇拜北斗崔慶昌詩午夜瑤掃壇白雲焚香遙禮玉宸君月中拜影無人見琪樹千重鎖殿門二作俱佳

孤竹贈洪娘詩序曰萬曆癸酉秋余以北道評事赴幕洪娘隨在幕下翌年春余啟京師洪娘追及霞城而別還到咸關嶺值日昏雨暗仍作歌一章以寄余歲乙亥余疾病沈綿自春徂冬末薙床褥洪娘聞之即日發行凡七晝夜已到京城時有兩界之禁且遭國恤練雖已過非如平日洪娘亦還其土於其別書以贈之詩二首其一曰相看脉脉贈幽蘭此去天涯

幾日還莫唱咸閑舊詩曲至今雲雨暗青山聞諸孤
竹後孫洪娘即洪原妓愛節有姿色孤竹歿後自毀
其容守墓於坡州壬癸之亂負孤竹詩稿得免軼於
兵火死仍葬孤竹墓下有一子出晦隱鶴山樵談云
公嘗赴京作詩於朝天宮一首云々其二曰三清露
氣濕珠宮鳳管徘徊月在空苑路至今香輦絕碧桃
紅杏自春風有道士秦姓忘其名亦能詩大加祿賞
追至通州河清詩題其卷詩曰碧宇標真界玄壇近
太清鶯栖珠圃樹霞繞紫微城寶錄三元秘金丹九
轉成芝車人不見空外有簫聲此詩傳播中原王鳳

洲先生甚加推賞其題楊忠壯公照之墓曰日沒雲
中大照山筆于己近鹿頭閑將軍屈領千人去夜渡
遼河戰未還此詩不減唐人高處宜乎見賞於中原也
公少與玉峯白先勲游學柘川梁公青蓮李公之門
未弱冠同李栗谷崔東臯宋龜峯諸子唱酬于武夷
洞在韓八文章稷會同鄭澈徐萬益諸人遊三清洞
人稱二十八宿會

公不獨於詩才絕高書射音律又出一在書法清道
勁緊殆與玉峯相將其佐北幕軍師金禹瑞亦以射
名約與較藝各中四十九矢最後禹瑞復中侯公處

呼曰將軍負矣遂中鵠

宣廟嘗會文武士試才有一善射者心揮公、笑曰無憂吾今日病矣乃虛發一矢善射者即以徘徊公居其次受舉比厩馬之賜且妙琴笛少時寓居吳岩值倭寇棹至乘舟以避賊圍之急時月光如畫海波不動公取所藏玉笛朗吹一闋舞更清越賊衆聞之皆懷思還鄉矍然相顧曰此園中必有神人遂解一面公得脫啟

梁大樸

字士真號清溪南平人又號竹岩

公在北原送李益之向南原詩曰春來無日不思家

、在龍城夢水涯松迳幾寒孤鶴夢竹曲應折古梅花殊方作客別懷惡歧路送君芳草多泛此橫岡遮望眼関河不尽暮雲賒

竹岩清溪山詩云山鬼夜窺金鼎火水禽秋宿石烟

潤生健

姜沆

字太初號睡隱晉州人宣廟朝登第官至正印丁酉被虜於倭全節而還

公湖南人為入聰明強記為文章下筆滴之未嘗起草丁酉之亂全家被擄入日本日率人之還者上疏有遠托異國昔人所悲等語宣廟覽而怜之其在奉日為文諭被擄人謀與同還辭甚棲惋有曰

我固為臣僕且念宋微子之微言死則葬蠻夷豈忍
李少卿之胡鬼矧故鄉之可念乃常物之大情蜀禽
催啟越鳥巢南羽族乃余冰狐首丘代馬依北走獸
猶然况我侔仁之人豈無反奔之志彼姑彼此須憶
父母之瞻望某水某丘盡記童子所釣遊冷雨殘烟
孰非傷心之色鳴雞吠犬盡作斷腸之聲宿草先塋
孰薦一盂之麥飯喬木荒閭已入三年之禾黍是用
依々馬能鬱々涼秋塞外不堪吟嘯之成群暮春江
南遐想雜花之滿樹嗟我流離瑣尾之屬孰無哀痛
憤惋之心云々

被虜在舡中夜半聞停舡有女子哭罷而歌拜似裂
玉自一家之沒兩眼枯此夜衣盡濕仍占一絕曰何
處竹枝詞三更月白時隣舡皆下淚最濕楚臣衣
又一日賊舡掠過而有女子急呼出而問之乃公之
愛妾也今載之後謂已為鬼至此始知其生千般哀
訴耳不忍聞自是夜々輒痛哭竟不食而死遂賦一
絕曰滄海茫茫月欲沉淚和涼露濕羅襟盈々一水
相思恨牛女應知此夜心

賊魁秀吉死埋於北郊其上作黃金殿銘其門曰大
明日奉振一盞豪開太平路海潤山高公嘗出遊以

筆塗沫題其傍曰半立經營土一杯十層金殿謾崔
嵬彈丸亦落他人手何事青丘捲土來倭僧舜首座
者謂公曰向見大閭塚殿所書乃足下筆也何不自
愛云云

先是全羅左營兵虞侯李暉被擄於清正送之秀吉
待之極厚帳御飲食皆如伊所居暉盡散錦綺
交結被擄人買船西出行至赤間關追者已至暉引
刃自刺墮海中賊勾出其屍輾掛街上暉頗能文將
菽艸賦一詩曰春方東到恨方長風自西啟意自忙
親失夜筇呼曉月妻如晝燭哭朝陽傳承舊院花應

落古守先堂草必荒盡是三韓侯閹骨安能異域混
牛羊公仍步其韻曰將軍氣槩與天長何者翻論此
去忙義骨樂沉東海底清風遙接首山陽竿頭好受
秋霖洗埋土寧教塞草荒萬卷書生無面目兩年窮
髮收羝羊

有一倭僧極加禮贈一絕曰初逢賢聖夢耶真堪惜
高人客裡身見月見花應有恨扶桑國盡戰爭塵公
次日雪髮霜眉創見真胡剗康老是前身清詩洗盡
泥中恨帶劍諸奴備幾塵

浚得還官直講而卒權石洲有詩云未盡新知樂居

然怨各天鍾儀雖在晉王蠲不降燕節為看羊落書
纔賴鴈傳相思千里夢迢遞海雲邊

申欽

字敬叔豫象村平山人
宣廟朝登第典文
衡官至領相配享仁祖廟庭謚文貞

公拜夷齊廟有詩曰君臣義廢商周際兄弟恩壞管
蔡時却笑巢由何事者一生清穎避堯為

公有云今經古愛既多漸不欲觀前史所載治日少
亂日多見之只疚懷有詩曰書到會心惟有易時論
上查不言湯此余有存也

光海癸丑以

宣廟遺教中七臣被逮旋即蒙放出

金浦新構小茨在山中深谷雷長綠陰四垂遠浦極
目獨坐終日唯聞流鶯送拜口占一絕云綠陰如西
罨庭除檻外江光漾碧虛何幸 聖恩天海大謫來
猶得返田廬又占一律云蕭洒茅茨愜淨便葛巾烏
几坐蕭然脚來燕子晴泥凹浴罷是剔碧浪圓一壑
已專成晚計餘生唯喜保長年海山兜率俱虛語即
此幽居是地仙

芝峯云申玄翁自少為文章便自成家人不敢瑕疵
甯贈余時曰查間萬事竟奚有四海百年唯我曹九
鼎何曾異瓦釜泰山本自同秋毫新陽暖、昭華嫩

遠客悠悠行色勞握手出門倍悵茫漢水春波
高其詩老成典重如此

公到春川謫所白沙寄一絕曰兩地同為放逐臣中
間消息却沾中清平山下昭陽水日夜西流到廣津
公和之曰白首湘潭學楚臣紉蘭為佩薜為巾東風
無限相思夢時逐漢舡向漢津

申玄翁一絕云百年大節金時習一世高風南伯恭
若著當人時物論勲名不數押鵠翁蓋伯恭即南秋
江之字押鵠即韓明澮亭名也二十八字袞鉞無備
外公王父叅贊宋棋壽聚諸孫令作句語以春字為

題公應口曰天地萬物春為長者叅贊公歎賞期以
遠到及長委禽於清江李濟臣之門清江旆治易公
請益清江公講教傳遽遜師席曰已見大義復奚益
馬

布衣宋眉老頗解東坡又有能詩群書之學東坡者
皆啟焉嘗聚學徒試以詩賦年方才名之士聞風爭
赴有同黌舍戰藝之場公年十四亦預其中容貌玉
雪舉止端雅人皆起敬不以童輩待之方其製述也
分用別類詠詩吟賦詞鋒正闌公靜坐一隅不持一
卷書不觀他人作日既方中獨自展紙書賦既訖連

寫詩篇端、傑製筆不暫亭滿庭多士聚規噴、皆
閱筆色沮莫敢相衡宋君讀來擊節曰文章手段已
成非吾所敢下手竟置於魁欲招見之則公已還家
蓋厭其稱言也

李廷龜

字聖微号月沙石亭之曾孫
茅典文衡官至左相謚文忠

宣祖朝登

公以嘉靖甲子生於青坡寓舍生之日有虎當畫伏
戶外人皆驚走公既生而虎去聞者異之八歲詩賦
有警語稍長嘗讀南山詩次其韻又用其韵成七言
十四魁陞補

公初以辨誣奏見稱於中朝南方士子多傳誦者使
臣還自燕京玉田有儒生出示公奏本寧遠寺僧亦
誦公所贈詩問月沙無恙否嘗撰楊御史碑楊得墨
本誇示衆中曰朝鮮李尚書文也

月沙題淮陽板上詩曰天擁重関陰江端二嶺長雲
烟護公窟日月近扶桑秋贈銀鱗細春醪栢葉香瓜
時倘許代吾不薄淮陽乙巳公按圻節其七月關嶺
大水一帶十餘郡官廨民廬漂没殆盡淮陽被灾最
酷太守董以身免公謂此府在嶺脊官舍在江崖幾
百丈水雖大必不能淹置之起信九月巡到江華太

僕判官李君希幹於煤島得一板馳送乃淮陽壁上
詩也驚而問其故則偶於亂槎中得之云今府伯張
君亮忱將行求記顛末遂書此并與詩板而收之
松都梁熙壽家小兒名浚真季終十二善彈琴車雲
輅首贈一絕請人結和遂成詩軸庚申冬奉 勅東
還候 旨留松京十日琴兒趁日來彈琴慰岑寂將
行府官餞行於天壽院亭酒席琴兒始乞詩甚息皆
蘓東坡守黃州七年酒席花筵醉墨淋漓及移汝州
、中名士大夫餞於都亭名妓李宜進曰侍寢諸妓
皆得宝唾而妾獨性拙不敢仰請恐舍恨九泉蘓翁

笑取其領脩書曰東坡七載黃州住何事無言及李
宜恰似西川杜工部海棠雖好不留詩琴兒今日之
請政與此相類余醉矣遂次蘓詩以贈之琴舞雖好
清宵聽了鬢殊非病客宜十日松都無一句空吟蘓
海老棠詩

月沙戲贈同庚僧詩曰莫恨幸同途不同乃公心事
亦宗風杖來鬢髮驚凋謝等是人間一老翁亦有意
味

月沙晚年在城東第一日倚案忘睡有一青衣童騎
駝造謁請學周易月沙辭以不知童子強之遂歷其

數段超義問之月沙畧為解說童曰吾母讀此其意
不如此因以已見說之義甚洞然月沙大驚與語良
久時月出東嶺月沙謂童曰汝試為我賦之童即應
曰明月大如盤白雲峯上吐盈虧幾萬年爾獨知今
古仍辭空月沙使人頭其聚莫知所之此作似仙似
鬼而爾獨知今古五字自有恨不如明月之意決是
鬼語

李元翼

字公勵号格里
存院君歷事

仁宣廟朝名相勳封完平
廟朝壽八十八

公少時遊寒溪山入蘭若中有一老僧狀貌瓌魁坐

楮丈室公頻禮貞之坐久僧取小紙書數字擲之庭
中未幾有公鶴下庭盤旋公異之問其由僧驚曰書
生可與語衆莫之見而獨覩之子欲竒觀踵我來於
是扶藤而注公隨而行遂涉後嶺步皆玉見籍地
逐踞璀璨公問之曰是何宝玉之多耶僧曰豈無珠
玉惟不貪者見之子可教也俄而有笙簫之聲出於
五雲霄峯在於五雲中矣僧送巡嶺上望雲峰不肯
前公願注之僧曰此則上公會燕之所非人間宰相
所能觀仍低回而降後公登科洎為丞 旨罷官閑
遊復遊寒溪山而不見僧欲再尋後嶺而失其路出

公自少以善夢稱凡有事變輒形於夢癸酉十一月
 初一日夜夢中吟古賦花落重門燕巢空堂之句黑
 暗中閉眼分明見落花巢燕覺後花香猶在後日夜
 寢未覺又吟前句而仍成絕句曰天上神公在兩周
 人間日月又三秋落花啼鳥春風老此後則在半睡
 半覺而成其句曰燕入空堂語不休合曰此死地也
 古人曰聊乘化而啟盡樂夫天舍復奚疑不以此為
 心強為之辭不亦曲乎甲戌正月公果卒
 西海李敏叙言其先相國白江曾為完平從事官契

分甚後癸酉季白江為全羅監司將赴任時完平已
 退老江上故過群馬臨分完平攜手出坐槐樹陰下
 曰我有 宣醞之酒與公對飲可乎仍曰我平生
 夢地必驗此夢令公湖伯治我喪今令公過我必
 非久長逝乎且我最願速死蓋近者如鄭仁弼自少
 清名直節聲動一古而不死神識昏昧為其造黨所
 欺終為凶論我以此為戒每恐不即死云是歲完平
 果捐館出悔德集為從事非白江乃白江之父綏祿
 後有心病而公之晬辰則必來謁而以口作琴聲曰
 完平大監冬之冬槩公好彈琴故云然

柳 根号西桐 宣庙朝典文衡

漢陰鰲城自為玉堂南床時交誼甚篤二公入相猶
夫布衣乙巳秋漢陰為領中樞客至設酌問女奴曰
有蠚鹽否曰已盡有菁菜否亦已盡韓西平蓋之在
座遂傳播是事於相知間鰲城素不為把杯訃嘗自
言無以办其具厥後西平拜閑西方伯就鰲城問曰
台監不餞遠行耶鰲城答曰情則固欲叙別第不欲
低顏問菁蟹有無余聞之即賦一絕記之西平即傳
說鰲城二相公相遇輒相與道此事發一笑今二相

公下世久矣感念舊遊遂悲感記之非以為詩可傳
也一室畫書晚自娛白頭臨別負提壺去間菁蠚難
當有不欲低顏問有無

五峯李相公頃奉使 天朝拜受賜金而還構亭
子先壠之下名之曰亦思顧天使之來五峰公為遠
接使顧天使易之為章賜五峰公求詩文于大人先
生辱及于不敏：：不敢辭為賦一律熊天使曾為
不敏作孤山記不敏未及求詩文于大人先生故落
句及之云詩曰萬里啟來闢小園南溪一曲遠柴門
皇華潤色名章賜雨露餘波宗恩祝聖尋常瞻北極

思亭突几冠東藩鋪張更有公筆絕勝孤山記獨存

西垞儂天使在平壤次天使韻有曰故國千年地清
尊半日留雨晴雲葉散風急浪花浮赤壁蘓仙月青
山謝朓樓江南宛相似莫作異鄉愁蓋天使言西原
風景與江南相似故云天使歎賞曰宛有唐人風格
西垞為西湖伯時有一書生以推奴乞簡於其婿昇
平：：曰朝家新禁推奴吾雖簡囑必不見施然有
一策君其如此：：則事可諧矣其人注傳在入見
則西詠有蘓仙赤壁今蒼壁唐子南樓之句都下盛

以為名句云矣西垞喜甚出示其作因私通列邑丞
令施行其人成事而啟

西垞嘗謂霽湖曰吾得一聯古垞生碧草新月掛黃
昏可方古人否霽湖曰杜律云暎塔碧草自春色隔
葉黃鸝空好音公之詩意似出於此矣西垞笑曰我
知君意即改生掛二字曰古垞空碧草新月自黃昏
霽湖笑而伏曰何敢蓋霽湖案欲改二字尊不敢顯
言舉杜詩以諷之二字之改天然頓佳

李好閔

字孝彥号五峯延安人

宣祖朝登第選
湖堂典文衛官至延陵府院君謚文僊

壬辰大駕駐龍灣五峰製教書諭士庶有曰涼秋乍
動邊地早寒地維已盡予將何故瞻彼長江亦流于
東思敗一念如水陷之辭意懇到聞者莫不流涕
又於龍灣行在送人詩曰干戈誰著老萊衣萬事人
間意漸忘地勢已從蘭子盡行人不見漢陽敗宸心
錯莫臨江水廟笑淒涼對夕暉聞道南兵近乘勝幾
時三捷復王畿

五峰以少時自起閑籠放白鵬禪篇詩魁進士時柳
川韓浚讓李慶伯諸人皆入優等而每愧居下各自
為高登第後五峰柳川俱選湖堂賜暇東湖一日吟

有科儒數輩夜詠東詩兩人約曰五輩白鵬之作未
定甲乙今夜依旗亭聽歌古事當以彼儒之評決雌
雄遂潛注竊聽諸生方詠三詩忽一人讀至五峰西
風一夕起霜月沙棠來扣扇高唱曰奇哉○○生子
當如李好問李大窟而走

送睦學士禹卿出宰高城詩序曰僕偶閱益齋集得
一絕云兩点文星會德星三韓望重泰山輕坐中更
着雲遊子莫恠江都地勢傾其序云樂軒李侍中在
通津山齋金白鑑李松偕兩孝士偕卓然師注謁路
人見者曰江都地勢一日東傾其稟見於一壺者可

想萬曆癸卯歲崔簡書作杆城韓石峰作歛谷禹卿
又作高城僕亦有閩東地勢傾之歎詩曰石峰海碣
雲生筆簡易山碑土有舞五馬又煩名學士金剛地
勢助東傾

甲寅孟夏余壅妻馬遊山四歷哭漢陰相公于中德
洞哭訖少憇所謂又濟寺僧壇上人以相公留題
寶月詩示余曰相公昔題此詩語貧道曰汝可持此
性索巡陵和賦也怕風色不敢入城卒七季矣今
公到此而相公已下世矣幸請賦之以成相公之屬
也余時妻喪甫葬又終哭相公不暇作吟詩許而難

達相公平生之屬也遂携卷入都下續狗以啟之噫
相公墨滋宛然而重泉不可復矣幸後之有情者感
而結之也中德當時月年不減盤故人已下世今
夜好誰着寂寞生芻束淒涼宝鈕寒居僧示詩句惆
悵寺東闌

龍門山之西有洞泉天石之勝吾先祖墓在焉旧号
舍那蓋佛語也豈以麗僧普愚睿居是洞而用
佛語也嘗閱靖節集有遊斜川詩并小引安知是洞
亦名斜川而被誤於後耶家豚景巖喜地名之相同
而樂依啟之有所遂草舍那而用斜川字仍築室其

下余嘉吾兒用心之勤而悲吾年之已老悵茲遊之
無幾乃依先生詩十韻係于下後之覽者幸恕其僭
越也淵明終五十已懷越下休况吾六十七故不樂
此遊地名亦相同千載希風流緬思當時人亦有波
中鷗雲峰倚山碧不下層城之曠然独秀勢吟賞付
吾儔生遊死便埋未死酒相酬逆知百年內幾年如
今不君子有遠抱不盡終身憂來遊且可忘行樂非
徒求

五峰咏梅月詩皎々雲端月娟々江上枝其間千萬
里清白故相隨說得精神甚妙而未知枝字如何

欽差都御史楊鈞以言左東人德而寬之思之遂依
石丞相狄果公古事立生祠堂而亦患瞻肅之無地
欲為寫影如垂厓涑水之為而以別雅之久繪事之
拙無以副一髮不似之戒乃從貢布購求燕市安之
閣中東人欣然皆投詩若文以為祝頌之地五峰詩
公亦無巨魁所思購求與市萬金尚丹青自有傳神
妙亦韻者同駿馬時香火只堪昭潤筆風雷猶恐化
龍飛漢城南畔松杉裡千古長瞻御史祠

壬辰正月余以持平入府見從大廳右有監察廳左
有金長廳間有呼俯伏群筵々而室是舊殿中伏者

也每殿中行祀至長必費意遂所步石磚狹而長前者行一覽次第皆堆俾時府中所聞見故事然也令閱十九年都憲金公叔孫執義尹公仲番掌令金公達夫持平朴公大建俱已逝惟掌令今桓尹公及余在而兵火之餘金府風流索然盡矣殿中亦累增至十五負而未復二十四之數矣今因殿中諸公見屬詩軸感而賦曰中歲曾過舊相奎相陰懷遠西堂同同呼俯伏拜：至見但趁踏步。東寧窠至今俱寂寞動樞感古獨徘徊臥聽十五乘馳客鍾曉門前唱道回

李友閔

字孝叔号守拙翁五峰兄官吏曹叅判明高朝人亦有詩名

挽盧蘓齋先君詩曰藉甚天和冠一時生平冲摠不求知却送京洛辭金盞遙向高顏採紫芝千里湘江思驪子九重環賜屬緇衣棘人未養曾參志奈此終天因極悲挽送兄柳監司仲鄴詩同庚同志又同源友愛歡情老益敦生死百年曾結約衣冠一代共承恩丹旌今日兄先去白首人間第極存痛惜音容從此隔秋風江上浚河翻

梁慶遇

字子衡号霽湖
官至縣令

宣和朝登第卷重試

霽湖詩話云余與車五山行止龍灣一日五山邀余
性遊九龍臺至則層崖其立萬仞臨之可以望中華
山川鞞鞞地方其下泓渟深黑怒濤法湧即九龍淵
也五山命席坐其上使侍者連粘紙五六幅進筆硯
將欲以窮我僕窺料此翁不可如爭多宜速賦一詩
走避其鋒可也乃書短律一首以示之五山之作已
就二十許韻以左手捲紙而韜其詩側面而見余詩
訖吟呻數三聲促令僕送整駕遂馳還其寓余亦隨
之強問其故五山發笑吐案曰吾平生所喜用文字

即六鰲兩字吾詩中既以六鰲對九龍為君所先神
氣忽沮故罷還耳相對一笑蓋余詩有山疑六鰲戴
江到九龍深之語故云儂相聞之為一捧腹

惺所詩話云盧蘓翁黃芝川近代大家俱工近體盧
之五律黃之七律俱千年以來絕調然大篇不及此
未知其故也梁慶遇舟問於余曰我國七言古詩孰
優曰未知何如歷數朴李蚕頭如何日出韓而或悍
或穰非其至也問訥翁晉陽兄弟嵩冲菴牛島歌如
何曰晉陽杰而滯牛島奇而晦然則屬淮曰魚潛夫
流民歎李益之漫浪舞歌也曰曰以是觀之則奇才

多出於也渠亦大笑

霽湖工於詩所作必百鍊而後乃出其夜云病葉敲
秋盡愁窓得曙難逢中云古墓山花落春田野水分
又云卧攢眠猶吃飢鳥噪更飛逾天崩云谷禽巢在
元兼木禱為祠七月夜云愁繁旅枕逢秋雨癖在雲
山夢見僧慈院云村童揮客催相笑野婦簪花不解
羞初夏云棠葉掩籬蚕滿箔麥芒有屋蟻迷栖夏云
眠蚕入繭桑園靜乳雀將雛麥壠深皆極其工微鄭
疇翁舟過雞龍山下於霞霧中忽然有拜曰文章集
慶遇此矣後聞霽湖止日乃其日也豈其山神來報

耶吁亦異哉此語且聞諸東溟鄭老

李暉光

字潤卿芳芝峯全州人
至吏判提李諡文簡

宣祖朝登第官

申玄翁云公以御秩求補出守順天府有詩曰暮年
身去宰矣鄉治郡無能坐嘯長春燕不來閑院落晴
波欲滿小池塘紅梅影下文書靜綠橘陰邊几案香
衙罷閉門人跡少隔窓蹄鳥又斜陽又云檻外池光
染碧苔一簾微雨欲黃梅衙居寂寞門長掩公退尋
常印不閑盧橘香邊山鹿睡石榴花下恹禽來軒窓
盡日清如水翰輿騷翁晝夢回韵格清麗自不可及

先海辛及仁弘上劄証毀晦退館學生上疏伸救先
海震怒禁錮疏頭於是諸生皆空館而去公時知館
事承命至館有詩曰絃歌舞斷讀書齋向晚東風響
古街微雨一庭芳草合夕陽無語下空階

華清宮詞云羯鼓群中夜宴開玉樓春灑白雲杯君
王醉倚遊不枕不夢商岩夢楚奎

公赴燕時與安南國使臣馮克寬有酬唱詩集其中
有一聯曰出山異形饒象骨地蒸靈氣產龍香後被
擄儒生趙完璧者自倭中隨商舶往安南其國人補
誦其詩而指示曰吾國有出象之山所以佳也按網

目註安南出象處曰象山云々

芝峰兒時其夫人兵判希儉令作雪詩對曰庭前有
月松葉影檻外無風竹有聲聞者驚以為神童

僧惟政號四溟山人倭奴自壬辰後不敢通和至癸
卯請信使人皆憤惋朝廷恐生讐遣山人試賦情山
人適來別章子縉紳公贈之曰盛古多名將奇功獨
老師舟行魯連海舌騁陸生辭吏詐夷無厭羈縻事
恐危睡間一長劔今日愧男兒五山見之閣筆

公為洪州牧使其前任則李東嶽安訥也東嶽留詩
贈公其尾句曰小枝却慚非大手謾教人比鄭蕪時

蓋嘉靖中鄭士龍獲世讓相代為牧使故云公次之
曰追蹤昔日吾伊敢惟幸交承得共時二詩俱載洪
陽錄中

芝峰一生攻唐用談溫雅多有警句而所乏者氣力
如風生九塞秋橫鉞雪照三何夜渡兵窓圓小雨天
難曉城枕寒江地易秋等句皆佳

芝峰挽李統制舜臣詩威名久振犬羊羣智勇壺
天下聞蜚稜夜收湖外月將星晨落海中雲波濤未
洩英雄恨竹帛空垂戰代勲今日男兒知幾箇可伶
忠義李將軍蜚稜夜收將星晨落皆記案也芝峰嘗

以此詩誦語簡易之曰今日之日可改為古可伶
忠義四字可改為令人長憶芝峰喜曰古有一字師
字可謂五字師今按本集五字只在前本豈未及改
而然耶未可知也

柳夢寅

字應文号良菴與陽人
海時吏曹參判

宣廟朝登第先

於于云昔年宿松泉精舍夢覺聞有聲如雨驚問寺
僧曰雨耶僧曰瀑聲也非雨也余遂口占曰三月山
寒杜宇稀遊人雲卧靜無機中霄錯認千林雨僧道
飛泉洒石磯後日有客來言鄭松江澈一絕曰空山
落木聲錯認為踈雨呼僧出門看月掛溪南樹上牽

八月十四夜洪慶臣遊楓岳宿表訓寺夜將央同遊
琴者朴生曰雨矣慶臣聞而覺明月滿窓視之天無
点雲只簷外剗木臥泉風吹飛沫作雨拜矣慶臣
笑而口誦一絕曰崖寺無塵秋氣清滿窓明月夢初
驚滄々一壑風泉響錯認前山夜雨拜諛稱詩人
意思一般信哉

於子在光海朝為吏曹參判及 仁廟改玉東西轉
徙不恆其居戊辰送獄之起辭連被逮初不知其所
在或謂已亡命旋得於西山相臣問曰汝何為謀送
何以亡命於子曰先海之少亡媚孺皆知新之有感

德奴隸亦知豈有棄聖君復庸主之意哉且我非亡
命但居西山耳又曰嘗作孀婦詞以見志仍誦曰七
十老孀婦端居守空壺傍人勸之嫁善男顏如槿慣
誦女史詩稍知姪姒訓白首佳春容寧不媿脂粉竟
論以送律

於子寓連山家中僮僕患瘧戲作四韻律一首傳其
背瘧即愈其詩曰土伯盤困九約身我々霍角枉穹
是龍脂乱沸千尋鑿虎戟交提萬甲神哆喙及來
塵渤海張拳打破粉崑崙可憐水帝屋兒鬼星^噴風
馳地外漏蓋瘧鬼水神而土克水故用楚辭土伯之

語也其後家中有病瘡者以其破紙傳相傳皆無
不立效自是隣里有是病者騰書已瘡一邑皆然
於于嘗赴天朝時我國有恙請免宴呈文札部々々
牢却不許七部官傳視其文相顧動色舌人立于庭
終朝至日是不見白只巡觀三四回舌人請還其帖
部官曰留之部中其年鄭經世呈文札部部官稱善
允其清曰此事難甚為使臣文章之佳特允其請諸
部官極其稱引仍相與言此文雖佳不如前來使臣
柳某之文其文高古倍此而以事體不當不準其清
東方信多文章士也

於于過永平府葛柳庄々即鴻臚丞李浣之別業也
於于題七言律十六韵于於壁時日昏秉燭而題一
老秀才來規歎曰唉佳作々々韓御史應寅李浣之
妻弟也與隣居文士白翰林瑜來觀稱譽刻板懸之
壁自古中國文士少我邦人數百季末沿路數千里
無一篇我國詩懸于壁者懸板自於于始詩曰巾我
河車指玉京諸天無際是三清朝來失路青霞迴物
外雷衣白露生恠石當溪蹲老虎晴鐘殷郭吼長鯨
茅龍展尾纤清澗遼鶴舒翎抗昼鼉翳日涼陰藏小
店拂天高柳滿平垌臨風裊々齊垂線匝地森々乱

擢莖嫩葉正濃紅
女織新枝初暢葆
蕤傾醜顏繫馬
尋芳興玉手攀條
惜別情送糝白
暄隄落絮門張翠
幄擲流鶯凋霜啄
木秋群鷁殘綠寒
蛸夕吹輕萬里
三遊人不識天高
地迥我何征神仙
縹緲吾身是山
海崑崙上界行
綉闥朱門清晝掩
寒林衰草暮鴉鳴
風烟淡々愁山色
歌曲悠々送水群
鶴背明朝泰北
極鰲頭啟路杳東
瀛烟波夢斷盧龍
塞徘徊客應尋曰
姓名

於于送李校理朝
天詩曰萬里脩程
始一鞭青山復
々路綿々鴨河撐
艇蘆中入遼館封
書果下還馭吼

車林遲日是折鳴
榆塞晚風顛天西
大火吟邊盡回
軫行看雪滿瓊送
李養父赴北詩云
三尺烏号豹作
韜龍泉新淬鷲鴉
膏將軍擁甲江邊
陣老虜收兵漠
外逃嶺雪渾埋千
丈檣海風時立百
層濤胡姬勸酒
胡兒舞醉卧紅氍
塞月高諸篇皆奇
詭且如咏画帖
詩曰汝筒荷我竿
持細雨春江無不
可行々回語莫
爭隈磯上苔深隨
處坐東溟以為絕
好申象村舟於
東郊與諸客送友
人喪於于亦往有
一客曰吾間有
况此此行者平象
村指於于曰惟令
監能不死矣盖
稱於于文章死而不死

金埴

潛谷布衣時居加平嘗帶經而鋤晚遭風雲位躋台
鉉貴显已極而自守如寒士其止陽春詩曰莫道來
遊已後詩非觀山色觀山骨層岩絕壁面目真赤葉
黃花皆外物公行正值九月後木葉皆凋岩壑盡露
味此一詩可想公平生不事外飾也

潛谷自在布衣已有徑論大志有數三日出入之事
私以大同或例納袖而去幸有餘隙糸列磨鍊積年
講究及至際遇 孝廟始克展布嘗謂此法之行可
期百年無弊而若至於貢物主人無所利焉則末如

之何云々

崔有潤夢與潛谷送客有詩曰薄雲東閣古平津
蝴蝶引個鱗四海文章論主客百年睽茶火雷陳
依歸松寺聯燈處德泐蕭川听雨晨廊廟江湖情不
滿半生寧作夢中人

鄭經世

字景任号愚伏晋州人 宣祖朝登第進
湖臺典文衡官主吏曹判書諡文肅

公少時嘗赴舉洛中路過丹陽夜失途投山谷間約
行十餘里路遂漸迷松陰參天不知所之忽見燈光
隱映於林間投身進去則只有數間茅屋而間然無

人遂從窻隙窺見則有一老人明燈看書神采清癯
公推戶而入老人掩卷問曰何來何客深夜到此公
具道其由且告之飢老人曰山中無食日出橐中一
團餅與之甘滑如栢子而不知為何物吃未半充然
覺飽仍問曰觀主人形貌有異凡人曷不顯名當世
以圖不朽徒守此空谷與草木同腐為老人曰子所
謂不朽豈非如立德立功立言者歟公曰然老人笑
曰古所稱道德者莫高於孔子語功烈者莫盛於管
晏然求之今日其人與骨皆朽矣獨其名耳况文章
小技遷固以來作者無數而如蛩吟秋露鳥啜春陽

炫耀暫時而及其芳華謝盡霜霰交集則群沈響絕
寂寥無聞惡在其不朽也吾所謂不朽異乎子矣公
曰願聞其說老人曰草死而腐木死而朽皆由於死
如其不安可朽也公曰世固有不死之理歟老人曰
古有之矣諺曰子不夜行安知道上有夜行人今子
不遇不死者亦安知山澤之間有不死者存乎誠若
按法運火十日畢能延年益壽白日昇天脫屣塵世
歷萬劫而獨存吾所謂不朽者此也豈若子之求不
朽於既朽耶公曰果若所教願學焉老人熟視良久
曰子骨格未成做不得且曰科第則今行利矣但不

免三入王獄然終必無憂此後七年國有大亂萬姓
魚肉後三十年又有大賊從西方起都城不守宗社
幾覆子皆身親見之矣曰嘖嗟曰自此天下事可知
矣公再三請窮其說老人曰當自知之又問其姓名
曰幼失怙恃不知名姓耳至夜深公困劇而睡曉起
視之不知去向詢諸主人則曰其人自楠柳生負時
或來過爰此山水淨僻或留數日而未得見其食所
登涉崗壘行步如飛公聞之惘然若有失是年果登
第即萬曆丙戌也後壬辰倭賊大至甲子迺兵入京
城丙子建虜侵我甲申大明亡公母以李震吉金直

哉金夢虎之獄果三入逮獄一如其言公嘗有詩曰
賦命每憐三不幸行身何啻七宜休東華久作風塵
客欲向丹丘訪道流公之門人榮川文官權室以為
嘗親聞於如此囑其勿泄故未得浪傳云出旬五
志

公以巡察使到全州次圃隱萬景詩云一字吟來一
序橫短篇能使我傷情昏庸自為叢歐崔險固無論
鉄作城豈不識天親有德祇應知義重於生懷君應
憫貞心在長與雲烟護旧京

愚伏繫金吾時任踈菴送桔梗菜寄詩曰内黃外白
無文質始苦終甘貫陰夷欲寄先生毋此菜恐煩倍

憶在山時

西厓先生卒後家業貧窶諸胤至不能保存厥居愚
伏以傷詩之有曰河上賓居只墨莊兒孫蔬糲未免
腸如何將相三千日并欠城都八百素厓老為相迄
十年故云三千日此在本集寄柳季華書中有曰畧
富感歎之意欲令彼鼓篋者汗顏云々

愚伏少時與文士三四人作山水之遊臨流賦詩有
一武人過去歇馬來揖座中一人謂曰吾輩之會即
文字飲也不能賦詩者不可參也武人曰雖武人粗
識一丁願效曹景宗競病之韻以與此席可乎眾異

之呼韻使賦武人即應口而對其一聯曰馮石泉拜
錚新續拂雲山色鈎高低愚伏大驚問筆問其姓名
武人曰我是過客不必強問姓名仍曰山日已曛前
路尚遠自此辭矣遂拂袖而去使人追之不見其處
此作非鬼非仙似是山澤羽流

金德誠

字景和号醒翁尚州人登己丑文科先海
時為軍光寺正獻叔斥廢母后之論南海
圍羅安丘移配德城泗川癸亥反正以執
訟石還官大憲謚忠貞

忠貞公自南移北時其兄青陸公執別後三田浦詩
云長江不盡日陰々江水爭如別恨深絕色應無鴈

飛到音書寄只傷心別後追憶詩曰南海孤囚又北
遷西鄉几度歲山川途中雨雪無虛日馬上筋骸涉
二年夜夢倦尋青海遠晝眠對白眉妍看令香已
原頭影未死重逢只恃天因金憲北幕之行寄意曰
萬死嗟余李今逢西使行雖無一日雅可比十年情
衰病傷時事離懷美塞程相思數行札幸寄鴈南
征

忠貞之移配也贈別金吾郎朴惺生詩云老我投荒
合遠征金兵何事苦同行藹梅香盡浮南海官柳春
殘到北城雨雪風霜真作伴流離顛沛寄為生棘門

重鎮啟天上豆滿江吞嗚咽聲

鄭弘翼

字翼之号休軒東萊人丁酉文科以行司
果當度朝獻畫孝議入珍島園籙安其
移配鍾城先陽反 正後以承石還官嘉
善副年謹忠貞

翼之途中任曰危言慚佛骨客路半潮陽其語亦有
致可咏中象付語也

先海最嫉忠貞公始竄于珍島旋移鍾城後到配又
移先陽一歲中凡三易配而皆南北極遠惡地往返
道路幾六七千里豈但半潮陽而已哉此必珍島路
中之作也先陽又濱南海瘴毒所聚公中水土疾憤

稽沈頓故製述不多傳焉

金尚憲

字叔度号清陰安東人 宣祖朝登第 湖臺參重試典文衡丁丑立節執諸藩陽 不屈官至右相 諡文正配享 孝宗廟庭

洪守菴柱世詠竹一絕曰津畔有孤舟霜稍老密林
斜陽雖萬變終不改清陰蓋其時北使來問朝鮮有
金斜陽者乎曰無金斜陽而有金時讓矣北使曰此
是斥和主論者乎斥和非金時讓乃金尚憲蓋字音
彷彿以致訛傳清陰即金公号故詩中及之此詩曰
詠舟而寓意舍諷一時膾炙

清陰我 朝之蘓武也丙子下城後退居花山月夜
徘徊有詩一絕曰南汗北陌夜三更望月追風獨自
行天地無情人盡睡百季懷抱向誰傾有無限感傷
意

白江次清陰寄示韻曰好事時成夢裡困覺來空自
撫刀環玉闌何日東啟後清隱堂前卧看山清陰原
韻曰少時憂摺鎮時困人事送來若轉環敢忘釣龍
壺上卧一區烟月舊江山

朴炆字大觀以奎閣論時事謫赴龍城張谿石贈詩
曰舍壁不為苦食夢不為辛最是此別離點々自傷

神樞機欵不困坦途生荆榛 主恩存如天操舒殊
冬春鄭疇菴詩曰故來檻穽虎豹有奇文何故能風
霜松柏處危墳達人混屠治天民樂鉏耜愚智各隨
時福福所由分如何去國行值此秋景暝斗酒出南
郊強飲不成醺洪鶴石詩云學士玉堂下栖息趨瘴
鄉相看致狼狽後悔奈踈狂不備此心是休言君馬
黃從來增益地未始在尋常清陰詩云忽已行色度
南城草一題詩遠情千載長懷山谷語西江波浪幾
時平

金尚容

号仙原都正克孝子也官右叅政

丙子之乱以老病宰相入江都見賊渡甲串津遂登

南城巖樓解所服戎衣授僮人放火自燒意留以為

復也

按窓朴東亮金在凌曰公寄行路難一篇按窓
賦在壁上而曰此非今人撰也編入家集中以

傳之不可謂世無貴者 晚筭楓泮水石而性喜客所

至無虛席輒設酒食乃作五倫歌以諷翻譯令婦嬾

易曉而頗益於啓迪

寺正姜時傲令益者画其馮行
起居萱堂之以以歸釋味或序

之曰孝
皆益

李安訥

字子敏号東岳持之曾孫 宣朝登第官
至禮曹判書兩雜提學謚文忠

東岳甲子繫獄時夢騎病馬寧一小奚行到磨雲巖
峻途猛險逶迤而上顛頓駭航進退有礙及至奏猷
以遠竄判下初配湖南俄有改配鏡城之命及至磨
雲巖下了如前日夢中事公歎曰北閩人言富寧
有兄弟岩故官北路者後必重來或再或三余曾為
評事端川今滴鏡府乃三行也人世事皆前定豈非
天耶遂題一律曰半空懸燈出雲崖一徑中盤九折
危龍角遠近軍佐日隼旗新赴郡衙時人間萬事皆
前定巖外三行是後期跨蹇却思梁楚臣甘分復何
悲

惺所詩話云人謂子敏詩鈍而不揚者非也其在咸
真作詩曰雨晴官柳綠遶已窳路初逢三月三共是
出關收未得佳人莫唱望江南清梵流麗去唐人何
遠哉壬辰倭亂漸江人有以東征來者翌年始得家
書而泣東岳書贈一絕曰一望家山萬里餘今年始
得去年書中不恨天涯別只恨當年學劍初東岳
後登第以書狀朝 京洛路華人謂之一望家山萬
里餘公入棗云

東岳不曾識吳晚翠聞其喪泣帛月以先生在座勸
製挽即席題一絕曰平生性癖似稽康懶吊人喪六

十霜曾未識公何事哭亂邦當日守綱常月沙插為
諸挽之首晚翠名節以此一絕蓋著於世云此事在
玄默子詩讀而公之扶綱常事在光海戊午公之沒
又在是率則謂之亂邦大觸時諱沒是即事則不當
謂當日似是晚翠改葬時挽也

天使崔廷健登百祥樓賦詩使僉伴諸公次之東岳
詩曰崔顥題詩黃鶴樓後身未仕清江遊清江上城
百雉城頭盍闋臨江流聲山際海地形益芳草連天
春氣淳忽見新篇更佳絕東韓千載名應留時天使
幕中有區姓人即天下文士也見詩大驚服更不敢

作詩酬唱云

東岳息怨甚明常以月沙為知己而甲子繫獄時月
沙判金吾多有救解於爰書而猶憾其不盡力也到
謫所寄一律其一聯曰退之不負襄丞相也難逢郭
令公用事精切

東岳詩格渾厚濃麗案罕世之才其宰秋城之日偕
梁慶遇登悅仰亭賦詩慶遇先得領聯曰殘照欲沉
平楚潤太虛無滿眾峰高自以為得雋語東岳次韻
曰西望川原何處盡南來形勝此亭高下句悠然與
老杜海右此亭高語勢略似

顧天使時東岳以嶺相李月沙幕下到龍灣登統軍
亭有詩曰六月龍灣積雨晴平明獨上統軍亭茫茫
大野浮天氣滾滾長江裂地飛宇宙百年人似蟻山
河萬里國如枰忽看白鶴西飛去疑是遼陽旧姓丁
此豈非大手也

錦山鄰有年老伶工自言少時善腰鼓累入內宴老
退還鄉云公贈詩曰白頭伶叟病還鄉自說先朝
入上陽一曲升平與民樂錦濤花落月蒼蒼與民樂
曲名此何減天室年中事上皇一絕

寄鍾城妓詩云寄語鍾山少莫娘至今能憶謫仙郎

郵亭寂寂空春草因路迢迢自夕陽客子官情蟬翼
薄美人離恨蠶絲長雲飛雨散無消息四首東風極
斷腸

柳塗

字由正

宣和朝登第官至府使

柳斯文有詩才少時遊戲青樓嘗以一絕書娼家壁
上曰半世青樓食薰天衆謗喧狂心猶未已白馬又
黃昏一日鷺濤自宴所醉散勢未能及于家借道傍
人家而止歇即娼家也既醒見壁上題而大驚逢人
輒及之滿城一時傳詠其所贈矣者落句而鵝相曰

青樓食之食字最難下云柳老酒度讀竟不究其
才惜哉

柳公為文川中文川有三名姝而同年生柳皆私之
沈尚書詔以高山督郵行過文川惆悵作詩曰姝城
三甲總名姬太守風流亦一時多少行人腸斷處教
坊南畔柳如絲甚有風調

柳塗挽柳副正夢彪曰少小遊子第班陞堂常問
氣平安方微碩德膺遐壽豈料崇疴撒戲斑半世勞
名三品職一家榮慶五文官可憐恩贈終何益萬事
浮雲月滿山鄭文季挽曰聞說人生七十稀室家萬

壽最哉希多男何惧皆龍榜半子增榮亦錦衣沒後
小鄉名益顯生前三品官非微先塋已用吳山畫
卜春川福地故李子敏挽福星當日照誰家燁燁名
門雨露加三子同為香案吏二郎皆插曲江花遐幸
碧海仙籌滿新誥丹旌粉字率多少春山負土客白
衣流淚是侯芭

柳應文送柳塗尹其都曰冰袍買勇墨兵最獎結翹
英雄水中乍勁奇才雖歷塊夫昭脩態未專官吳斥
欲試青冥月越馬長悲廣漠風紅粉滿江迎彩舫玉
堂蘭掖眼前空星軺昔日過箕都浮碧高樓燬木虛

白鶴奮翎披藕莖紅娥揚袂擲毬珠金城戰骨春燕
合驛路村墟古木踈聖代即今烟火滿主賓行樂在
清湖又蘭橈遙駐淚江邊備憶西湖共釣舡醉語猶
思兒語軟裏顏非復弱姪詩書辜負滕脂俠花柳猜
生酒肉禪馮婦白頭餘勇在西遊當擅倚羅筵

應文挽車天輅五言律殆二百餘句而叙天下文章
如草玄雄險險論道向平夷心中出柳記嶺外壯韓
碑及論五山事如秦皇昭肺腎荆室入鉞錘將就寧
須友薰陶不待師聞鷄常造之編柳日收之芸軸書
堆架茅茨地卓錫庖床衣短簿穿壁響啾啾滂沛

其毫端注青紅練色施觸天呈岳一掀地捲瀟灑說暑
冬猶扇論寒夏款漸等句淋漓雄渾似為車氏準備
也然不無蛟蚓之雜可恨

鄭百昌

字德錄号玄谷

玄谷採菱曲云淡之芳湖靜不流綠楊枝繫木蘭舟
美人爭唱採菱曲却在荷花清淺洲頗似唐家紫石
昏補德錄之才不下天章云即白洲字也

玄谷寄疎菴詩曰不見疎菴久秋風入井桐長雲初
過鴈深露已鳴虫在事狂歌裏人情醉眼中江南徒

極目隨意賦青楓又采蓮花葉終朝盈我襟清香
猶可挹秀色豈堪尋露冷紅房墮烟深白藕沉秋風
曷搖落何處寄同心

任疎菴以丙子生值壬戌又當流落改與坡公同津
堂李公用楊根太守韵以發之余次其韵以廣其意
曰新秋共泛峽江舡蘊老風流五百年磨蝎幾回同
甲子樂安應更繼名賢奇材久滯青雲光麗以藻初
傳赤壁篇小友斯遊真忝竊滿潭明月醉鳴舷

玄谷當先海時於韶江之上卜筮仍居任疎菴寄詩
曰聞君卜筮倚滄州日一持年上釣舟太白且求江

任酒仲長還歎地埋憂詩成快讀魚龍舞具至狂歌
風雨愁同里數君俱不俗一壺相就任優遊其後疎
菴聞德餘有雅栖之計戲贈曰大抵人情曷厭困誰
能老彼白雲間聞君亦欲辭南洞遣我真堪責北山
已覺林泉含怒色更教風月帶愁顏道茲十里烟沙
境付與漁樵柿注還玄谷得詩嘲次韵以解其謔聞
曰自承恩譴辦長用深結幽盟水石間薄俗會心唯
白屋明詩知己只青山已這醉成徧性肯向風塵
作苦顏誰遣稚圭先動檄由來倦鳥久知還

李穀

穀以書狀官朝天見路傍青樓上有四美人隱暎於
 朱簾之內向李穀嘆水穀即於囊中出白貼扇書一
 絕贈之曰西人美人弄夕暉青樓朱箔共依一無端
 一片陽金雨飛洒三韓御史衣穀迴時美人備香醪
 嘉羞於要路以謝之於于集云近年書狀官趙徽赴
 燕京途中逢美人以薄紗罩面
 而行索書一絕于白扇與之曰羞羞行路護冰紗清
 衣輕雲滿月華約束蜂腰纖一袖羅裙新剪石榴花
 窈窕子也迨至其家共色絕代以紅錦為袴待索極
 款○○又有我國一文士如中原見路上美姝坐駟
 車而注士倚門而望貽以西句詩索美人聯句曰心
 逐紅粧去身空獨倚門美人駐駟續之曰駟真車載
 重添却一人魂

張彥良

字子房謚恭武

公七八歲隨父河原君珽注宰相家至中門外見十
 餘歲服喪童遊走叱之曰汝服喪不當如是喪童慚
 哭宰相問其故召公與語大奇之名以彥良字子房
 甲申以都摠徑歷為大將曹潤孫軍官擊逐閻茂昌
 之胡規画措且多有所補諸將士要勇自伐公默不
 言一軍目以大樹將軍

丁酉龔太史用卿賫詔而來公時為義牧使見公儀
 觀偉然請射以為歡公腰五矢連中龔嗟賞不已作

詩贈之有義州節制張中郎身長九尺鬚眉蒼之
句

黃慎

字思叔号秋浦梅原人 宣南朝登得壯先
海時以产判株連於林應辱之獄滴龍津五
年而没

天朝陞楊經理為正使以沈惟敬為副使赴日本黃
公之在賊營已閱二歲至是又有是行朝野氣塞
丁酉八月隨兩天使越海水路險惡風濤不測舟人
皆患水僮卧不起遂任文以誓海神曰射帟蓋中既
持二年之節蛟龍窟上又乘八月之槎指軀是甘楛

首自誓伏念慎遭時板蕩許國駢馳雖險阻艱難備
嘗之矣然州里重翁可行乎哉賴有裏赤之不渝可
質上天而無愧四千里行役何敢一毫憊勞三十里
年工夫正宜今日得力因王事之靡監抑臣職之
當然直掛風帆遙指日域苟可安社利國死且不辭
如使存身失身生亦何補伏願靈聖鑒此忱誠幸斯
言之不誣天有知也倘一念之或忘神其極之息黃
全斯

百曰誓海文一篇即先生之義烈精神所贊之以鬼
神訂之以天地者所可以傳之千古無所磨滅

李月沙贈秋浦謫行曰逐客今朝發寒江落木時吾
儕各暮境此別杳前期苦節殊方識危忠聖主知恩

廢有四字萬死亦何悲

申彖村嘗論白沙秋浦兩公曰沙翁是人傑風流太似晉時人謝安石其論也忠介政事才無出秋浦吾侑朋遊間惟此兩公風致人自不可及八相後又每言秋浦若在作相當在吾前其所施為必有可規秋浦公文詞夙成明暢粹麗尤長於駢儷推莽未久旋遭倭亂奔馳於戎馬之間而身於宋經略應昌軍中其季月沙柳於于諸人迭相唱酬方駕並鍍莫有能上下之者

郭再祐

字季侯号忘憂堂玄風人少從南溟學官至左尹

公少從南溟學有氣節倜儻不羈棄舉子業布衣窮居弱笠芒鞋漁釣自娛壬辰倭亂起兵討賊常著紅衣挺身先之賊號紅衣天降將軍戰方最著李五峰以詩賀曰聞道紅衣將逐倭如逐獐為言終戮力須似郭汾陽及賊退曰養猫所以捕鼠今賊已平余無所事可以去矣學方術入心絕穀

公從仕京中惟食松葉而嘗入琵琶山餐松辟穀後啟鷲山滄若永謝相大作詩曰用友憐吾絕火烟共成衡字洛江邊無飢只在啗松葉不渴唯憑飲玉泉守靜禪心澹々杜窓調息意閑々百年盡過云

羊後咲我還應插我仙公之事蹟頗與張苗侯
相類奇哉

承旨朴守弘未第時性訪之仍設酌飲四五盃俄而
取器耒傾耳而瀉之酒泛耳孔盡出

公功成之後迢然遠引入山辟穀至經年不食而身
體輕健豈非所謂神仙者乎

黃衡

昌原人 中宗朝登武科舉立戰多官至大
將諡莊武大諫宋即其後也

庚午歲大破倭賊登海雲臺有詩曰達節高奎起
大風海雲初捲日輪紅倚天撫劔頻回首馬島彈丸

指碩中其豪壯之氣足以直吞毒眼矣

宋象賢

字德求 砥山人 二十補上庠 六年登第

崔有淵有詩壬辰四月交小面舡如織村落竟鳥
竄吏胥環簇立位請急上馬不爾哉沒郭公乃曾不
動措芻具朝服傍有數鴈鷺內有兩厠室日夕公
被害一厠亦自溢一厠終守節下送公寔空一室三
忠烈求之古難得

壬辰倭首犯萊府城將陷公知不免急取朝衣穿甲
上駟胡床坐賊末逼畧不動有一賊名曰平調益曾

隨調信往來得見於公也待之款調益感之嘗欲公
為報及是日公使避於城旁隙地公不應調益意公
不覺又舉手至帝衣指之公已下床北向拜矣拜已
致書于其文復與曰孤城日暈列鎮高枕君臣義重
父子恩輕遂遇害俄而平義智玄蘇等聞公死皆歆
惜之出賊之害公者戮之尋公尸及公之妾見殺者
葬於東門外立木而表之

尹絳先悼宋東萊詩云分符猶未絕東漁臣死封強
罪有餘身世已憑三尺劍庭闈空寄數行書悠悠歲
月黃雲老落已襟期碧海虛千里孤魂故不得古城

風雨獨踟躇

金汝功

字士秀二十舉進士三十魁大科

崔有潤有曰詩國家失太平蠻兵大充斥公時副總
戎擬扼烏嶺隘元帥下懶川平原期躡踏瓜牙一不
中賊勢風雨急豈無可生地一心誓殉國俯視萬
仞潭影落馮夷窟敗至上大感忠臣淚成血回首彈
琴奎烟波天共碧

公以申砬副將謂砬曰賊銳甚難與爭鋒宜固守烏
嶺不聽而乃背水陣公知其必敗及賊湧進砬蒼黃

欲馳奏視公屬草公身擐甲胄臂弓腰箭前鳴毫颯
卒書投筆無一字錯帳下觀者人々噴々西軍聞始
合果皆奔潰呼公曰君亦求免乎公笑曰豈以我
惜死哉同至琴臺下手殺賊數十相與赴水
尹結先悼金義州詩曰彈琴臺迥淺灘鳴時為孤臣
作不平憶得吟篇開府幕幾回虛說左車兵溪邊骨
朽丹心在地下魂單白日明月向圓扉頻泣鏡沙場
暴露亦恩榮

李大源

父春芳以萬戶子辰倭亂立節而死贈賊

全羅水使
明庙世任鹿島萬戶當倭亂獨率子兵追破沉賊舡

二十餘上首虜於水使沈岩二惟惻約與捍禦之事
欲攘公切呼公至前附耳語云二公不逆及賊軍大
至岩促公戰日暮兵少請俟天明合衆則岩以威資
之不得已於嶺守島洋中格鬪三日岩擁衆終不救
公知其必死割指出血解衣而書一絕云付家僮曰
以此啟葬日合轅門渡海來兵孤勢乏此生哀君親
恩義俱無報恨入愁雲結不開及軍敗為賊所得逼
降不屈傳諸舡楫亂斫之至死罵不絕聲邊民憤岩
而哀公作吐伶之歌二之鄭華谷起溟作鹿島歌有
曰精忠至今不盡白元惡久活違刑章厥後沈岩拿

島示

宣廟朝韓柳川浚謙首應製悼鹿屯島戰亡將士詩
曰邊奏由來難盡案九重寧悉此間究膾炙一時

李舜臣

字汝諧德水人登武科宣廟壬辰倭亂
為佐制使屢破賊遮蔽海路為中興方勞

一 天子賜都督印戰亡謚忠武

公嘗初除全羅左水使也公之友人夢見大樹高可
參天枝葉滿於兩間人民之托身於其上者不知其
千萬樹本將拔有人以身扶之視之則乃台也人比
文天祥擎天之夢也

公嘗在陣中月夜吟詩曰水國秋光暮驚寒鴈陣高
憂心轉轉夜月照弓刀又作歌一闕歌甚激烈歌曰
關山島月明夜上戍樓接大刀深愁時何處一拜羌
笛更添愁又題一聯云誓海魚龍動盟山草木知
公有長劔二以親筆分列曰三尺誓天山河動色其
一云一揮掃蕩血染山河至今截其家云

天將陳璘書曰吾夜觀乾象東方將星病矣公之禍
不遠何不用武侯攘法乎公答曰吾忠不及武侯德
不及武侯才不及武侯雖用武侯之法天何應哉其
翌日夜三更公於舡上祝天曰此讐若除死即喪憾

忽有大星墮於海中豈公亦知天命之已迫而有此
志決身殲之語耶

出本集

公於是方督戰忽中飛丸公曰戰方急慎勿言我死
言訖而卒子蒼姪莞仍麾旗督戰解陣都督之圍然
後發喪都督知其死踣擲於舡上曰吾知公生未救
我豈意公之死也拊膺大慟三軍皆哭葬殷海中

本出集

先是接拜日惠柳西崖成龍薦公村堪將師時公在
下僚未甚知名自升邑縣監權拜水使卒為中興名
將及公之沒西崖公作詩哀之曰閑山島古今島大

海之中數點碧當時百戰李將軍隻手親扶天半壁
鯨鯢戮盡血殷波烈火燒竭馮夷窟功高不說說姪
搆性命鴻毛安足惜君不見峴山東頭一片石羊公
去後人垂泣云云

公遭元均之讒被逮受訊及均敗死朝廷復起公為
統制時西崖相公為小人所困不安於朝公知事不
成每夜立舡頭祝天祈死故露梁之戰親犯矢石以
至於中丸遊云

出西崖別錄

陳公熟觀公號令節制必稱李爺曰公非小邦人也
勸令入仕中朝者數矣

崔有淵哀李統制使詩曰公浴夜祔天殲寇即殞絕
鷄鳴戟方酣慘愔將星落歌鼓當敲凱哭拜旋天撤
都督見吾 王滄淚衣裳濕至今有海警言夢理見髯
髯最悼鄭萬戶運斗膽更無匹方戰中右炮身先死
未捷

趙憲

字汝式号重峯

公初以校書正字直香室時禪宗降香猶未罷台上
疏言曰讀聖往手封佛香所不忍也乃請崇儒瀾佛
釐正祀典時以為妄言繫問削官自是直拜籍甚

壬辰之重峰起義以書約招討使高敬命共討南賊
霄峰先敗而死重峰與層將灵圭舉兵南向渡荆江
有詩曰東土訛緜百萬師如何無力奇艱老荆江有
約人何去擊楫秋風獨渡時其氣節慷慨殆不讓張
巡許遠之作

重峰為湖南都事登北岳有詩曰固岳如盈水如弯
湖界蒼茫一望間恰似重峰三月暮臨江登眺兩京
山鄭松江時為巡察亦登北岳次之曰一別脩門月
耳彎五雲夢敗五湖間無人刻却鷄龍北愁望難通
木覓山

崔有淵詩云孤軍抗豕突衆寡奈不敵義士無子遺
賊兵亦死吓湖南數千里賴公初安帖調兵與餉
遂基中興績 廟社得再血不已伊誰力
松江在金沙寺聞重峰戰死作詩曰一宿金沙寺三
秋故國心退潮分爽氣敗鴈送哀音虜在頻看劔人
亡欲斬琴平生出師表臨亂更長吟

李廷詒

字德兼十八中司馬二十登第賊退後陞
為嘉善奉道監司勳封月川君贈右贊成
廷安人

公初守延安一日思親棄官詩曰愚民難牖錦徒傷

三載黃堂鬢欲霜明茲有懷投袂去白雲飛處馬
蹄忙後值壬亂公與廷馨同守松都廷人注選守之
仍達奇勲

崑崙崔昌大憶月川君詩云我登城北郭仍憶李將
軍父老思長策丹青記上勳春秋音大事夷夏大名
聞萬世金湯地長留奉 聖君時崔崑崙省其大人
於延安府

月川君壬辰破倭賊於此後人立大捷碑崔昌大歌
曰豉鹽之城小環堵居民不過五百戶云々秀吉長
駐勢頓驕千艘捲海地維裂云々 王上西巡車駕

遠三南勤王路阻絕此府雖小勢固阨輔車京甸維
西北人民鳥散庠舍空忍使城池棄與賊父老咨嗟
憶賢侯我侯之耒顧侯苗登壇雪涕公誓師勇夫
脫刃思同仇寇未如雲不敢逼公有一心死則休揚
兵伐鼓海波湧戰拜白日崩山丘賊騎逡巡夜遁逃
我軍殺賊滿坑壕星辰回先雲霧滅臨河洗劍天為
高捷書如飛達行宮詔加岳牧褒其忠中興將相若
雲雨捨公不得居元切廟貌重新百餘載層碑海上
今猶在洪世泰亦有歌

鄭速

字通可号寒岡謚文穆北泉谷莢星州

李栗谷草堂風雨詩云客夢頻驚地籟掃打窓秋葉
亂蕭騷不知一夜寒江雨減却龟峰幾尺高成牛溪
偶吟詩曰四十年來卧碧山是非何事到人間小堂
無限春風地花笑柳眠困又聞鄭寒岡無題詩曰日
沉空谷初逢虎風亂滄溟始泛槎萬事莫於平處
說人生到此竟如何君子必先理性情之正然後可
與言詩洪玄默以此三詩列於我東諸賢之作

金千鎰

字士重光州人

壬辰之亂公為倡義使與其子象乾鄒度使崔慶
會守晉陽俱死於城陷之日皇朝指揮使葉宗道祭
文曰不佞受命戍全羅因霖雨止竹山倏忽間大風
震雷揚沙拔木若促余行之狀不佞冒雨前進信宿
薄南原而馳報晉州以矢盡食竭而城陷若干日矣
將軍父子及崔君慶會罵賊而亡不佞始悟竹山之
霖乃將軍父子之淚而大風震雷即其將軍不平之
氣也於戲將軍何哭為將軍之名十載不朽視之謀
國不讖而致君父之家塵擁兵不救而使城邑之灰
燼乃靦然面目而荐紳其衣冠者雖生曷若將軍之

死耶嗚呼昊天不祐方父子云已節義成矧矧值我
綱常云々

趙宗道

号大笑軒咸安人字伯由中戊午司馬卒
落不露

公乃奇男子也曷在嶽堅山城賊鋒方充斥與學諭
尹銑進士朴天佑夜飲憤嘆題曰崆峒山外生猶喜
巡遠城中死亦榮其所守如此終立節於黃石之
戰

金德齡

光州石底村人

將軍勇力絕倫壬辰之亂光海為世子撫軍湖南招
將軍賜翼虎之號倭聞之甚恐丙申李夢鶴叛於
湖西被擒拜連於將軍時相忌其威名故自此殺之
鞠刑甚酷將軍曰我受國厚恩豈從逆雛叛耶怒而
奮迅鉄鎖盡絕竟死獄中將軍有詩曰佞歌不是英
雄事鈞舞要頂玉帳遊他日洗名敗去後江湖漁釣
更何求其志可見而未及成勇群名太盛死非其命
南人至今傷之

權鞮

字汝章号石洲奉议鞮之子也光海時坐詩
鞮定死仁祖朝贈持平詩為正宗

國朝東槎之盛莫過於壬寅願天峻時月沙李廷龜
為僂使東岳李安訥南郭朴東說鶴谷洪瑞鳳為送
事石洲以白衣五山車天輅霽湖梁慶遇以製述南
窓金玄成石峰韓濩以筆送各藝之盛前古無比矣
五峰李好閔西垞柳根為迎慰簡易崔莛遠僑居于
箕城時人謂之文星聚閔西云初月沙薦石洲於榻
前請帶去宣廟歆聞其詩月沙即誦夢具容一絕以
對其詩曰幽明相接杳無因一夢慙慙未是真掩淚
出山尋去路曉鶯啼送獨啟人 上大加補之命徵
詩橋以入簡易贈石洲詩曰西江不見西閔遇一世

良難一日知氣槩合亦高士傳文章尤逼古人詩白衣未冥還乘駟黃卷安能只下帷見說至尊坐稿入金勝身到鳳凰池者此也 宣廟每稱石洲而不名曰石洲與具文道之深幾許而詩語之悲若此也當時布衣之榮不下於李供奉矣

公成癖於詩不事科業其詩祖老杜襲簡齋語意至到勾泐軟嫩一時能詩人皆惟以為真及近世詩人之得盛名者石洲為最矣聞中州人刊行東園詩石洲長律數首與焉其一江上鳥：聞角弄斗柄柳江心水明早潮浸崖鴨我亂遙舍點燈砧杵鳴客子出

門月初落舟人掛席風欲生西州千里自此去長路險艱何日乎自坡山將注江都時所作也見此一篇足可以知其才美矣

富廢主時柳氏諸人籍內執橫恣無忌一時朝紳皆諂媚乞哀任持平叔英時以舉子對策多觸諱將削科幸而中心石洲有詩曰宮柳青：鶯亂啼滿城冠蓋媚春暉朝廷共賀昇乎樂誰遣老言出布衣其後有別舉朴自與第登自與之義承宗自與之婦翁李甬瞻為考官人不敢訖其循私其時許筠亦以考官取其姪所製之文與於榜中被罪遠竄石洲又有詩

日設令科第有私情子婿弟中姪最狂使許筠當
此世間公道果難行及度主親鞠石洲以詩案受刑
被竄據出東城外見主人家窓板上書李長吉將進
酒正是春風三月時桃花亂落如紅雨勸君更進一
杯酒不到劉伶墳上土更勸為權度劉伶為柳令
實出於誤書其時政當暮春桃花滿庭石洲臨歿連
飲三杯酒日欲夕而暝數字之誤偶然成識豈不異
哉

許筠許石洲詩曰汝章之詩如絕代佳人不施鉛朱
以過雲群唱羽調界面調於煇下曲未終而起去蓋
指詩語自然可愛久而愈不忘也

以白衣從事泛濱相月沙至西園相得歡甚後石
洲自京將還江奉就辭于月沙時適日暮月沙秉燭
呼酒白洲在側使之呼韻令石洲賦詩石洲辭以行
忙月沙強之白洲遂呼昏字即應群曰寒天銀燭照
黃昏白洲又呼門字應群曰鐘動嚴城欲閉門白洲
欲窘之呼髡字即緹應曰異禮向未慚始愧清樽何
幸獨留髡又隨呼隨應曰未將感激酬高義空自周
旋奉緒言末句呼論字石洲揮袖曰末當潤展矣仍
朗吟曰明日孤舟江海濶白頭愁絕安堪論作畢即

出公月沙深服每對人輒言其才不可及云

權軫石洲之第也號草樓其松都懷古一絕曰雪月
前朝色寒鐘古國拜南樓愁極立殘郭暮烟生一時
贈灸權舟遊三角山僧伽寺時諸名士未會飲酒賦
詩權與座談自若座中侮之曰今日名士之會彼書
生何乃唐突也權笑曰諸君之爵豈敵吾一句哉諸
名士具之請誦其句權卽朗詠雪月前朝色寒鐘古
國拜之句諸名士乃大驚上座而敬之飲醉竟日

石洲詩名籍甚兒童僕隸皆識姓名嘗過鄉材遭雨
留滯有鄉生五六輩會飲賦詩石洲進拜席末諸生

問曰爾是何人曰鄙生無與於文武只販貨為生適
值盛會倘霑殘盃以潤飢腸諸生方把盃吟哦石洲
卽題一絕曰書鈞年來兩不成非文非武一狂生他
時若到京城問酒肆兒童盡誦名諸生曰恒哉爾能
作此誠不偶然一人笑曰詩則佳矣但爾名有誰知
之試言之石洲曰鄙生乃權輶也諸生相顧驚愧羅
拜

石洲東岳文章齊名難可優劣七言律權固多讓於
李矣至若五言律七言絕句李亦不可當李嘗中自
許曰若以三國人才論之吾其為司馬氏乎蓋言詞

家正統有啟也且贈權時曰吾友永嘉子今時諸葛
侯則必以孔明啟石洲也

東岳間公在死作詩一聯曰浩蕩神農藥蕭條大禹
謨又過東城殞命處有吟曰行過郭東花落處故人
詩骨至今悲可謂一字一淚

其暮故詩云夕日已入羣動息烟沙露草迷荒原虎
嘯陰壑夜風烈狐鳴空林秋月昏流螢閃閃疑鬼火
老樹暖々知山村家僮出迎把兩炬枝間寒鵲驚飛
翻松京有作云繁華無迹有山河觸目其如感慨何
太液枯荷秋色老禁林寒葉雨拜多宮鳥愛啄金盤

露野鳥能吟玉樹歌瘦馬獨來還倚石不堪斜日照
銅駝石洲壬辰亂後過景福宮有感作此詩 宣甫
入其稿覽之御筆改題以過松京有感刊之集中以
此行讀杜詩云杜甫文章世所宗一回披讀一閱育
神颺颺生陰壑天樂嘈々敲古鐘雲盡碧石空橫
快鶻月明滄海戲羣龍依然步入三山路領略千峰
更萬峰別頽天使代作云江頭細柳綠烟絲暫駐蘭
橈拆一枝別語在心徒脉々離盃到手故遲々死前
祇是相思日送後那堪獨在時莫道音容便長隔百
年還有夢中期

權韞立春日感懷詩曰喪亂今三載先隲又一春傳
聞師歆老更說賊猶屯地下多新鬼樽前少故人餘
生豈能久佳節亦傷神石洲見之至地下多新鬼之
聯極口稱賞因笑謂曰此句甚好第欲掠是之美以
為己有後作有嘆詩曰兵戈今未定何處問通津地
下多新鬼樽前少故人衰年聊隱几浮世獨沾巾
閉戶風塵際案：又一普通篇語意凄惋比之前詩尤
佳可謂窈然白裘手

儋伴諸公皆次簡易韵月沙詩吾能一日長乎甬同
在城西不早知每把佳篇思識面及觀奇骨又勝詩

正因徐孺開塵榻敢屈康成入絳帷自是玉堂揮翰
手會看鬢鬣化天地東岳詩云天下奇才合濟時江
湖落魄少相知未將長策干明主誰料新恩賴小詩
却遣陳蕃客下榻向來表絮歎披惟白衣從事人俱
羨幕府紅蓮媚綠池鶴谷詩江漢垂綸三十載奇才
負落有誰知君門未售凌雲賦天語先褒古劍詩已
許布衣參領幕却催飛傳輟書帷試者乘醉揮毫
處直取洋瀾作硯池五山詩萬事行裝孤劍在十年
蹤跡白鷗知明公得士許懸榻 聖主惜才徵賦詩
身逐紅蓮揮彩筆手拋黃卷出緇帷迄今待詔漢金

馬莫把釣竿朝夕地南窓詩十年湖海一竿絲暫出
應因國士知西塞山川勞鄭驛東槎酬唱有唐詩鄉
書無鴈春憑夢邊月隨人夜入帷坐覺龍灣為客久
柳搖江岸草生池

權韜先海時被謫三嘉有詩曰臣罪如山死亦甘
聖恩猶許謫江南臨歧別有窮天痛慈母今年八十
三甫瞻惜其才奏其詩特原之宋時陸士規不悅於
秦檜嘗試謁之檜問送何來對以道由沅湘檜問有
詩否曰有之仍誦曰東風吹雨草凄凄路入黃陵古
廟西帝子不來春又去瓦山無數鷓鴣啼檜愛其詩

改容禮待與甫瞻白原權韜古今揆雖以檜晚之惡
亦能愛才世之不愛才而忌嫉反害者能不愧此兩
人乎

詩固未易知作詩亦未易也石洲蕩春拾五言一律
深有古法澤堂主選本稿而不裁此詩又列出別
集而亦未免遺珠余故惜而錄之詩曰步出北門外
有村三四家閑陰喧小石山晚誰雲霧古崖依柳
平林艷花醉散乘小雨城上已昏雅鄭東溟詩曰
我東詩人唯石洲得正宗云

皇使顧天峻書烟鎖池塘柳一句送儂使五峰使續

對五峰不曉其意將欲對送石洲以逆事在座難之
曰烟火也鎖金也池水也塘土也柳木也一句具五
行莫如不對謝而還送五峰始悟如具言皇使欲曰
東國亦有知詩者未可輕也

石洲貧甚嘗有詩曰人無立錫地而我本無錫

有韓韜韞韞石洲之兄也有韞石洲之弟也六人兄
弟皆以詩鳴古亦未聞奇哉今若取其一篇 馬韞
母以子弟隨性安邊府有所丐妓後作詩曰寄曰床
頭十幅剡溪藤欲鴈情懷病未能追憶別時今尚苦
落花風雨對殘燈韜道鄭松江墓詩曰昔年曾斤美

人詞無限除裏我獨知今日空山還拜墓不堪風雨
暗荒碑韞避亂紺岳見佛菴詩曰江北江南未定縱
可憐行李付孤筇郵亭厭所窮秋雨蕭寺鴛鴦半夜
墮家國破止身不死君親誰別淚無送干戈阻絕西
歸路落日閩河意萬重韞登統軍亭詩曰亭在層城
上登臨望欲迷人烟通蜀北地理盡天西鼓角追群
動風沙塞日低書生多古意長嘯倚雲梯韞贈僧詩
曰甫家何在小雲間偶入風塵久不還時共床前相
對坐一燈春雨說仙山

白光勳

字載卿号玉峯 蘇參奉詩筆俱有名

齋湖詩話之玉峯光勳先執也先君每言其才格之

孤高林白湖登始筭也節交公

白湖尊有君

牧濟州白湖

越海榮親還時由海上至龍城將向洛下其時府使

孫汝誠邀聚文人賦詩廣寒樓上以餽之玉峯蘇谷

白湖暨先君在席一時之盛會也其所唱酬合化一

部行于都中遂成低資方其會也孫存伯賦一律長

玉峯次韻其詩曰函闌西畔綠蘋波曼恨難情日欲

斜芳草幾時行路畫青山何處白雲多孤舟夢裡滄

溟事三月烟中上苑花樽酒易傾人易散野禽如怨

又如歌特當國恤座無群樂咸以歌字為難而其落

句尤美真佳才也或者以滄溟事之事字為未妥余

嘗語五山以此詩五山亦疑之近閱唐百家李益詩

有別未滄溟事語罷暮天鐘之句方覺痛快矣

於子壘談云白光勳以能詩善草書名於湖南為第

一其過扶餘縣二監方舡載酒借公州妓樂以要之

至則布衣一儒生貌寢小風采妓中有一人名將本

善俳諧曰曾聞白光勳之名大於山及得觀之釣龍

金耳扶餘白馬江有釣龍金名為蘓定邦白馬餌龍

之地而不過塊然一小岩而已故當時以妓言為善

形容光勳有一小詩亦鳴於時青山重疊水空流不
是金宮即玉樓全盛只今無處問月明湖落倚孤舟
以余觀之詩亦釣龍全也其子進南進士亦襲父業
善草書粗能詩詩筠云崔動悍白詩括淡俱不矢李
唐蹊廷誠十奉希調云爾則於子之
如是壓倒折何也

光弘光勳之弟也平安許事風情不節眷寧邊妓因
病適還後造人遊閩西詩曰君到百祥樓下問 中
應有夢江南未久而卒夫以不羈之士倦 尤物若
此與十季一覺揚州夢者具矣崔孤竹慶昌遊閩西
贈白之舊妓曰錦繡烟霞依舊色綾羅芳草至今春

仙郎去後無消息一曲閩西淚滿巾蓋白為評事時
嘗製閩西別曲至今傳唱梨園而妓生慕其風流必
曰白書記錦繡烟霞凌羅芳草乃曲中語也

具容

字大受号竹寇陵州人舊縣令

竹憲具容其尹暄次野朴孝成百源朴東望子真吳
潔居其榜會許亭詩之連毓出郭真誰裁落紫游係
野景佳亂後灾州能有幾迨来好事喜多乖閩西相
望月子里萍水忽逢天一涯後日視今猶視昔故物
詩卷更真懷

題李提督碑閣日沁東勲業冠當時一夕君庸戰不
物莫道岷山能墮淚行人到此盡沾衣清婉可詠
竹窻之歿也李正即子敏有夜雨孤燈夢具容之句
故石洲此悼止詩寄示子敏曰親知零落已無存萬
人事間只斷魂為向如人風雨夜也應重夢具後原
又於城山過升寔故宅有詩曰城山南畔是君家小
卷依一運斜浮世十身人事度春來空葭滿山花
許筠批曰具是君得意友故篇止俱得意

鄭之升

字子慎号羨桂堂礪之送子傳乘不仕一
云天游

幼時未有室家有所私娼女父母憂其好業奪冠
復囚之密室其友以女簡通之升以詩答之曰梨花
風雨掩重門青鳥飛時見淚痕一死可能忘此別九
原程作斷腸魂又夢裡分明見玉人錦衾香枕暖生
春因山夜長如此半世寧為夢裡身之升於德川
途中遇僧自遠遙山遊香山而啟題其詩卷曰甫自
西來我亦西春風一杖路高位何幸明月道遙寺共
聽東林杜宇啼惜乎之人也以如此之才而不成一
名而早天也夫

嘗遊嶺南只成一聯曰十室仁同縣千峰知異山東

着一句不得而還

之升以其詩混書唐詩集中以示崔慶昌詩人皆不能不云詩曰草入王孫恨花添杜宇愁汀洲人不見風動木蘭舟

又其上叔父詩云舊事詩書着二毛有時舒嘯上東
阜南貧且酒朝醺足北窗薰天夜笛高客衣閉門留
月色夢四虛園散松濤思 正在功名外須信人間
第一豪世插警絕

公志在烟霞厭其囂塵載書冊入龍潭結廬萬山
中名之曰叢桂堂彈琴讀書逍遙偃仰日哦其中

飄然有出塵之想

之升與人書用俗間書辭為詩曰謹蒙書問慰難勝
保拙無非下念仍細柳營中初識面生陽館裡更挑
燈孤雲落日同相憶斗酒長篇強不能餘祝萬安懷
縷七伏惟尊照鄭之升其發言成詩才氣落溢如此

洪履祥

号慕堂初名猗祥後改之字元礼豐山人
关西司馬戊寅魁庭試賜直赴巴酉擢壯

元官至大憲

公嘗次長歌宕韵曰哀之欲哭樂之歌我欲痛哭君
歌甚於我之哭不須痛哭宜長歌公之友芋園金允

安詩曰長歌之復長歌萬事不如吾長歌之群激
烈徹寰廓天上人應驚此歌之有為歌哭有為哭俱
有無限意也

壬辰後慕堂之為聖節使也鄭松江詩以送之曰雅
依忽之清樽風雨龍潭草樹昏萬壽宮陵會慶節二
年兵甲再生恩光陰荏苒隋流水鴻鴈差池過海門
燕市此歌今在否為余先吊望諸君

洪騫祥

号習池進士官佐郎

公慕堂之弟也詩才敏妙慕堂号製月課使公代構

治聾酒七言絕其詩曰良辰康酌味偏長不待扁俞
驗妙方醉裡厭閑塵世事小槽猶愛滴清香時李
山海典文衡考置居首一日逢慕堂曰子之課製中
治龍耳酒一絕極佳令人詠歎不已慕堂曰非吾自製
乃舍弟代作耳山海驚曰賢季之才吾何間之晚也
即回轎委訪極加敬款而去 出於于野談

柳根按節湖西時與諸倅大宴於拱北樓徹夜酣樂
醉與方濃忽聞鷄鳴群問曰此何群蓋嫌其夜已向
曙也有妓陽奎雲故對之曰此江邊白鷺群也根喜
其所對迎合已意稱其才慧仍令座中賦詩云文士

也時以文義倅亦與焉先占一絕曰酒半高樓西燭
明錦城絲竹正東心佳人恐敗風流真笑道雞群是
鷺群方伯覽而補賞一時膾炙湖西士人以末句作
為詩題多有賦之者云全

李達

字孟之号蓀岷庶蔭詩學唐有名

李達嘗客游湖南有商人賣錦段其所眄人歆之而
無價乃心詩呈邑倅崔慶昌曰高胡賣錦江南市朝
日照之生紫烟佳人心欲心裙帶手探粧奩無直錢
崔大喜厚給其價達因是有名崔報之曰若論此詩

價豈直千金殘縣小資不能稱意遂於一句准白粒
十石合四十石遺之

李達與崔慶昌諸人寧越同題魯山廟詩達先占一
句曰東風蜀魄苦西日魯凌諸人遂閣筆

楊蓬萊宰江陵賓遇益之益之為人不可檢邑人嘗之
許草堂贈貽書勗之公復曰格花夜烟落梅樹春雲
空之李達設若踈待則何以異於陳王初喪應劉之
日乎然醴稍不設益之留詩以辭曰行子去留際王
人眉睫間朝來失黃氣坐久憶青山魯國鷄鶩饗南
池薏苡還秋風蘓季子又出穆陵関公大加補愛待

之如可見先軍用友相規之義而其流好才亦何易
得乎出許筠詩話

孫右年逾七十客居平壤城中老官妓頗能說李少
年時行樂云在昔徐學士益為大同察訪崔季士慶
昌為本府庶尹館李於浮碧樓選妓中最有名者
及善琴歌者凡餘人令擁侍不離崔庶尹每夕公務
稍屏與徐察訪有專到浮碧樓行酒賦詩盡飲而
羅達崔秩滿還朝乃已浮碧樓板上有鄭知常絕句
兩歌長堤草色多之詩古來傳以為絕唱一日崔謂
曰吾三人每賦詩於此樓上山川魚鳥嘲咏殆盡盡

舍題賦一絕耶徐曰以採蓮曲舍之可也崔曰板上
詩為韻可也三人各把筆沉吟務勝刻苦崔徐既書
李乃徕就竟推李作為絕唱其詩曰蓮葉參差蓮
子多蓮花相間女媵歌改時約伴橫塘口辛苦移舟
送上波崔徐之作未讓於此而特以李作為第一其
崇獎布衣之意益可見此助孫右為果霽湖備言
之柳秦奉錫俊昇薄遊西湖遇李達於蓮旅有所佩
刀達欲之柳曰聞子能詩若即席賦詩當以相與達
輒成一句曰愛劍同徐子能詩愧杜陵乃大喜不待
詩成遽脫贈之次其韻曰論文逢李白解劍存延陵

其豪爽如此

蓋之詩去或以風花欠案病之然其洞山驛詩曰田
家小婦無衣食雨中刈麥林中畝生薪帶濕烟不起
入門兒子啼牽衣田家食苦之態若親覩之拾德謠
曰田間拾德村童語盡日東西不滿筐今歲刈禾人
亦巧盡收遺德上官倉凶歲村民之語若親聆之嶺
南逢中曰老翁負鼎林間去老婦携兒不得隨逢人
却說移家苦六載逆軍父子離其賦役煩重民不聊
流離辛苦之狀備載於一篇中使牧民者覩此而惕
然驚悟施仁惠活疲瘵則其為補於風化者豈淺也

乎哉為文不困於世教則亦徒作而已此等製也豈
不賢於瞽誦工諫乎寒食詞曰白犬前行黃犬隨野
田草際塚潔已老翁祭罷田間道日暮醉臥扶小兒
逼唐可喜

惺叟詩話云盧相見僧軻有孤升及蓋之詩題曰當
代文章伯唯補李興崔益非溢辭也仲尼荷衣亦言
李之詩自新羅以來法唐者無出其右嘗稱其中天
笙鶴下秋霄千載孤雲已寂寥明月洞門流水在不
知何處武陵橋之此以為不可及已許筠之崔詩勁
悍白詩枯淡俱不失李唐蹊逕誠亦千載希調也李

孟之較大故包崔孕白而自成大家也其贈龟城倅
詩曰八月邊霜近授衣北風吹葉鴈南飛誰怜范叔
寒如此自笑蘇秦困不故家在海西音信斷客來閱
外故人稀燈前暗結思鄉夢秋水烟沉旧釣磯其挽
孫明府詩曰君為明府我為客三月烟花烏鵲橋點
檢遺篇如昨日淒涼哀挽即今朝人間父子情何極
海內親用膽欲消京口閉門秋色裡滿庭黃葉雨蕭
二

蓀谷漫浪舞歌曰奇乎哉漫浪翁海山中拖霞弄神
想雲鴻流鈞白棖學舞青童蓬山謁金母脚下乘天

風瓊遙竇幄散益堂綉衽鈿帶羅綺香鳳吹簫笙
鼓簧翁欵舞身飄揚一拍手始集鵬蹩兩翼擊海波
遠搨扶搨勢再拍衽袖旋驚雷急電飛青天三拍四
拍更轉不可測龟騰虎攫相吞搏倏若箭離絃疾如
駒過隙前傾後倒若不支左盤右盛如不持神之出
子鬼之沒出沒無時霹靂揮斧風雨群怒東海上金
剛一萬二千多少峯丘陵騰擲當壑龍窠最高毗盧
峯押空層崖倒掛巖九龍懸流萬尺洗玉壁噴石三
百曲此翁得之毫髮盡移骨中獨奪造化妙長袖翻
跼性所好向來遙前千萬狀會如此山爭豪壯奇乎

哉漫浪翁渾脫何時寤恨不與公孫大娘生同時舞
鈞兒決雌雄世上無張顛誰能學奇字縱使公孫大
娘生同時公孫大娘未必能勝此豪送奇壯浙人吳
明濟見之稱謂酷似太白

孫谷撲棗詩曰隣家小兒末撲棗老翁出門敲小兒
小兒還向老翁道不及明年棗熟時鵝溪評之曰此
詩換寫雖工語意稍刻無重厚庄意思非達語也後
竟以窮終詩之可以占人窮困如是夫

鶴山樵談云明人詩孫谷以何仲默為首仲凡以李
獻吉居最尹月汀以李于鱗度越前二子論真之定

王鳳洲之言曰律至獻吉而高仲默而暢于鱗而大
亦不以為某首而某次之也蓋之嘗出一律示之曰
此仲默之逸詩讀之初不覺真僞則曰此詩清絕透
律者遺之必君之擬作蓋之不覺胡盧詩曰客衾秋
氣夜迢迢深屋踈螢度寂寥明月滿庭涼露濕碧天
如小絳河遙雉人夢斷千里嶺禁漏聲殘十二橋咫
尺更懷東閣老資門行馬滿雲霄句法酷似大
復具眼者亦未易辨也詩乃上月汀相公之作也
又曰東坡詩惆悵沙河十里春一番花老一番新小
樓依舊斜陽裡不見當時垂手人孫谷悼亡詩亦襲

坡語羅幃香益鏡生塵門掩桃花寂寞春依舊小樓
明月在不知誰是卷簾人禠庶祚情不覺用前人語
鶴山樵談云益之寒食詩梨花風雨百五日病客江
湖三十年贈林弔城詩頻年作客衣還弊數月離家
常有餘誰憐范叔寒如也自笑蘇秦困不敢等句對
偶天成沉着頓挫世或以風花病之抑未之思歎
益之嘲妓玉河仙詩曰頭如刮帚色如銀默坐無言
似鬼神遍體綺羅超借着只宜終嫁郭忠輪二二乃
瞽而富者也妓本有名而益之詩出門戶頓寂
益之常賦落花曰惆悵深紅更淺紅一特寒落小庭

中不如留着青苔上猶勝風吹西復東語意含蓄又
賦感懷二絕曰城闕參差甲第連五侯歌管拂雲烟
灞凌橋上騎驢客不強襄陽蓋浩然又曰好爵高官
處一逢車如流小馬龍長安陌上空回首咫尺君門
渴九重渡龍津詩曰秋江小鷁下龍津一吏停舟笑
更喚東洛旅遊成應事十年來注布衣人意甚以感
真不遇者之詞也

李參判仁浚少時遊三清洞遇洪世恭絕日論詩至
國朝三唐洪說甚亢於李達頗有輕視之意李曰病
客孤舟明月在老僧涼院落花多之詩何可少之耶

世恭色稍異徐曰非敢小之比二唐則劣矣

尹君平

號虛翠堂洛中人少業武以軍官赴京遇
其人授以黃庭經能解修煉之方與田雷

治同時

公晚音律善吟詩家居養生不求聞達其行雖不得
聞而人謂有道之士年踰八十身長九尺鬢髮皓白
形容清癯望之如神公中人每日地坐家廟前庶絕
不知倦蓋亦所難也所著詩文散失不錄惟記一絕
云雲向甲山天直北鴈飛南浦待春初屏間持琴人
頭白窗外蕭蕭暮雨疎

君平及死年八十餘尸體甚輕如空衣人謂尸解田
禹治以左水惑衆官家欲捕不得使君平捕之云云

李逢

宗室子也官至槐山郡守

李槐山善屬文号青溪與高霽峰相友善壬辰倭亂
為義兵將者也其宿護溪寺詩曰信宿護溪寺雲閑
僧亦閑如何百戰將頭白不敵山青溪庶女為趙承
旨瑗妾以詩名於世云所補李玉峰者是也

癸巳春李提督如松討平壤克之斬首數千餘級餘
賊夜遁提督乘勝長驅復開城府渡臨津至碧蹄驛

以偏師徑進賊伏葭提督敗績徑畧兵部侍郎宋應
昌用沈惟敬之策與倭連和李青溪逢上經畧詩曰
塞邊沙月淨如霜人與寇魂哭戰場天連日本邊同
載却恨無謀宋侍郎經畧悞然

成重任

贈人詩不辭鴻鴈向南飛但惜群芳日已衰海客無
眠成夜坐狒聞秋葉下山時又白髮平涼子生涯爛
醉中世間我知者唯有主人翁客中詩野寺吟荒店
炊烟共佛灯寒松千里雨翠龜暮蒼

田禹治

方枝之士能文以左道惑眾逮繫信川死於獄中太守使人埋之及其親戚葭塚移葬啓棺示之只空棺矣

嘗有詩云鶴軒昂燕飛差池三山故路五雲隨頭巾
好掛三花樹手弄青溪歌紫芝極似仙人語
五山說林云先言一日禹治未借杜詩先君不知其
死而借之後聞之死已久矣
嘗有警句曰晴窓有月梅三昧碧落無雲鴈六通其
言似有道者

林白湖每言每遇一僧其詩軸有口十字者所題詩

而問之其僧云頃於山寺逢一士人自号口十子題
此詩不知其姓名也盖十口乃田字之破起以為田
禹治世傳田君至今不死人或偶遇之者云
君贈南衮詩云紫蛙周禮正王恣南相文章真伊周
璩亦璩鼠亦鼠滄珠二魚目珠蠃蚌嘲龍真龍著山
人掉頭故衣早挂樹丹崖風月好詩語甚奇

劉希慶

鄆市隱

希慶常隸也素性澹雅自少學詩禮亂後不自聊為
衛將所書負扈率 中殿次遂安時雪霽溪山之勝

倍之扈率諸臣使希慶賦之其詩曰扈率遼陽古郡
城風飄瓊屑洒林垌村童莫厭埋樵筴天為行宮作
玉京又嘗游龜門山同游儒生馬上使希慶韻之其
詩曰山舍雨氣水舍烟青草湖邊白鳥眠臨入海棠
花下轉滿枝香雪落揮鞭希慶善裁喪服故勿論知
其不知有喪輒使之裁希慶處賤不得辭年七十為
喪家役夫飢走哭泣中識者哀之

少日泛林葛川薰在光州登石川野押其樓題星字
曰竹葉朝頌露松梢曉掛星石帶苔紋老山舍雨氣
青梁松川見而極痛之李益峯嘗贈詩有曰惟追唐

李杜不學宋陳黃靈屋琴書冷梅憲笑語香乃記實也

白大鵬

大鵬典艦司奴也駐詩旨為司鑰一時渠輩之倅類皆效之其詩學效島枯淡而萎故權石洲每見人學晚唐者必曰鑰體也蓋嘲其弱焉昔醉卧踞傍人有問之者大鵬以詩答之曰醉押茱萸獨自娛滿山明月枕空壺旁人莫問何為者白首風塵典艦奴鶴山樵談曰大鵬者賤隸補黑衣之列工詩仲兄與

沈承旨喜壽皆與之平交秋天生薄陰萃岳影沉之詩仲氏昔稱賢不置送伯兄往返日本甚多什

光海主

光海宮人之流瀝者至老皆誦桃花梨花杏花葭南里北里西里春不寒不熱好時節半醉半醒無事人之詩人問何以每誦此詩曰光海主深喜此詩常於上林賞春之日必令諸姬吟咏以聽故能久而不忘身仍泣下

慶東宮裡放于江萃於荊棘之中闕地跳出遂不得

令終其臨死口占一絕曰塵寰翻覆似狂瀾何必憂
愁意自開二十六年成一夢好隨故去白雲間吟訖
又仰天長嘯者良久遂死

光海乙卯為其妃柳氏之慈堂蓬原夫人鄭氏錫宴
瑞慈堂廣東宮贈詩云遊冷八耄慶綿七玉樹芝蘭
滿眼前宸眷深加垂百歲孝思常願奉千年樽閱紅
醞天香襲瓊賜瑤金雨露偏上苑新秋晴日永渚蓮
沙鳥五雲邊鄭氏次韵曰絃承寶曆綿文慈武
孝兩無前光騰門戶逢千載德配乾坤祝萬年未死
重游蓬島上餘生深荷聖恩偏陽春一曲誰能和少

海奎章映日邊後題萬曆乙卯孟秋念五日蓬原府
夫人臣鄭氏敬次主上殿下賜宴瑞慈堂春宮室韵
齊妃又為鄭氏張壽宴于通明殿先海贈詩曰鍾德
名門壽福全宜家今範更無前杰簪笏華軒溢海
芝蘭錦幌連慶達少陽鞏固祚光昭壺理迪民賢
坤宮奉酌通明殿盛事人間萬口傳鄭氏次韵曰未
死殘骸幸厄全御風重近紫宸前日邊佳氣衣邊
襲天上恩光席上連霞醞宣未欣醉飽少陽昇座
賀仁賢賡歌室什室翔鸞字畋與兒孫萬古傳後
題萬曆乙卯仲秋旬二日蓬原府夫人鄭氏敬次主

上殿下賜詩玉韵柳氏贈詩曰叨侍宮闈卅九年
翟瑜徽典愧前賢欣逢 宣廟中與日更見吾王
至德全世乱成泰龍御運時平長享鳳帷邊慈顏
鶴髮通明殿補壽還驚罷澤偏蓋柳氏配先海在
宣廟丁亥至乙卯為二十九年也鄭氏次韵曰俗累
塵緣惱暮年一心聊慰壺天質承恩再頌三清界
化重歡二聖全錫宴浚開星殿裡需雲僚統老身
閑睢椽木非專美更祝乾坤德不偏後題萬曆乙卯
仲秋旬二日蓬原府夫人臣鄭氏敬次內殿賜詩室
韵世子又於八月旬二日製詩手寫以賜鄭氏其一

曰通明殿裡敞雲屏金輝燁煌映紫宸千載難逢
今日會奉歡補壽拱除情其一曰縹緲祥雲迷紫
闈葱籠佳氣繞楓宸奉歡蘭殿情何盡薦壽華筵
感轉新並先海柳氏兩詩皆寫贈之鄭氏啟即作屏
寶箴其屏在一士人家筆法精熟而甚無骨氣鄭
氏即林塘相國之女卒於萬曆庚申壽八十
先海時甫瞻以科目籠絡一世時人有詩曰明經才
子盛於斯二百年未始見之七大通文從自願字標
相應鬼神知
先海時人有詩曰山參政丞權無比沉棗尚書勢

莫當

先海時甫瞻主廢母論也鄭桐溪以仁弘門人上疏
力陳可不謫濟州而仁弘反上可廢之疏時仁弘之
子北宰星山有人粘無名詩於仁弘門曰千古綱常
輝遠筆百年宗社甫瞻拳丞相欺秦當萬死李由
何事又三川仁弘見之曰吾不得令終矣

先海赴涪州船上有詩曰疾風吹雨過城頭瘴氣
宵窺百尺樓倉海怒濤來薄暮碧山愁色帶清
秋啟心遠結王孫草客夢頻驚帝子洲故國茫茫
消息斷烟波江上卧孤舟

先海時宮人李氏武官紳之妹也善辭令能屬文先
海比之於上官昭容先海廢後啟於先遠：：被誅
自點納之李有詩曰歌臺舞殿捲成塵舊日繁華似
滿晨收帳宮人餘一尺幾番風雨泣殘春

先海在東宮時嘗有三清洞詩曰丹壑陰：翠千藹
碧溪瑤草繞天壇烟霞玉鼎靈砂老薤月松風
鶴未還

天將趙都司末在京城有詩海晏山牢箕子城衛佗
南真樂昇平文源都似漢詞賦武略克詰周我兵舞
袖通宵搖月色歌遙送日闕春風祝君室曆綿千祀

不思澤堂於行文儼文無不無該詩則格不甚高
而各體俱妙常自評曰吾文刺客奸人寸鐵殺人蓋
謂切中其要妙處詳簡而意精也其警聯曰青山
暫住非忘世白髮新添不為家極其精到令人誦
諷不厭

澤堂弱冠未有名其妻兄沈長世宰扶安澤堂為
覲妻母而未許均適配其邑均題贈一律其頸聯曰
皓首身千里黃花酒一杯澤堂次之曰旅迹無長策
窮愁共此盃均大加補骨以為必主文澤堂由是知
名

內人秦氏奉德嬪宮尚宮任侍上 宣廟歷事三朝
罹癸丑秋幸不死以老放出乃歿余慈氏以德嬪親
弟少時入覲銅禁以秦氏同乙卯生故特與親厚令
聞其葬慈氏為賻而余為之挽焉癸亥 世子卒壬
辰嬪卒而倭以亂不及葬故下章云其詩曰窈窕良
家選宮庭累代恩班姬曾對獄齊女幾呼寃日月同
重曜素眞閱覆翻方魂應不泯先謁穆陵原又曰忍
說壬辰亂驚聞癸亥回銅樓初暎位蜃臺亦罹哭一
宿繁華夢餘生肺腑哀仍悲旧宮女玉骨又長埋
高王父客齋先生舟以散班省家宜寧之昇津將遊

頭山適屬倭警未果俄承召還玉堂有詩曰一心生
死蠹書間補闕無能合退閑大度每容微賤品不才
重污侍從班南卿父老生新敬東園官僚辨旧顏為
向頭流山下道百幸猶擬夢魂還云々余出宰水城
逾季當一入金剛阻潦中返擬於秋晴再舉不幸國
恤未暇遊衍今被副宰之召則金剛之遊未卜前期
為之悵然仍閱高王父此詩事意適相類謹用其韻
以識之詩曰啟寫分明昔夢間病駒無路望天閑何
知海濫銅符吏更忝雲霄玉筍班半世艱吳餘皓
首一身榮寵祗駢顏慙勤為內蓬山道竹杖糝早晚

還鞋

少時術士推余星命云再祀孤辰主一生孤隻艱危
今到晚境顛沛更甚追美平生身事無非孤字為崇

聊賦十孤絕句以自嘲

十孤即孤并孤松孤蘭孤鴈
孤鶴孤鈞孤舟孤雲孤海孤

月其孤鴈詩曰衡陽千津自羣飛一望雲霄旧侶違
月黑汀洲冒戈在天寒畦壠稻果崇公在壬戌年間
回事上京留墨洞東岳宅忽報廣昌未到公避不見
甫瞻謂東岳曰李佐郎何避我公不得已出見甫瞻
謂東岳曰今日遠遇李佐郎為一日騷壇之會則誠
一勝事東岳仍陳盛具甫瞻終日飲樂賦七律七首

贈東岳詩中有欲傳衣鉢之意其曰蜂腰鶴膝爭呈
態大呖鷄鳴各效拜即其一聯也別作一律贈澤堂
將成落句時拓窓日月已升矣即呼曰新月妍之喫
把盃蓋諸公若有即席所作而觀其氣色則乃預為
製此也其日東岳不為酬唱夜間盡次韵翌朝書送
公只次積字韵一首以送詩曰投璧曾看按劍精傾
城何必強勞媒丘原自有忘機地鉉槩初非潤草才
偶到竹林叨禮數却勝運幕齒陰陪世間榮悴誰料
理且喜春風入酒盃厥後李再榮得見其詩謂公曰
諸詩皆好而佐郎所此尤覺為緊云懷安永令名又

有清香首酒千人血細功珍羞萬性膏燭淚落時人
淚落歌聲高處惡拜高蓋指先海政亂民恣

先海世李再榮宣世崇等以能文每當試期輒為贊
家所爭奪再榮為高陽郡守時監司以面記事招致
俄而監司之子登第時人有詩曰高陽太守去未北
方伯門前慶事昌

大小北相會一場置酒行成爾瞻先吟曰不是尋春
樂事忙只要相會話心腸梅花亦香吾人意先占天
和送暗香承宗次曰十日相尋九日忙向來懷抱幾
回腸梅寒升瘦同清標盡醉芳樽內醞香希谷次曰

憑君休道異開忙但願彌堅鉄石腸李白桃紅都未
管歲寒期保姓名香李覺和曰小吏休言直宿忙吾
脩說話捻肝腸滿園桃李看：好只恨傍爽解語香
李昌後繼曰曹遙札罷出門忙倩得仙茶潤肺腸此
會應知非偶甬里場須記小梅香廣昌大北巨魁密
昌文昌小北之首世：所稱三昌權門覺昌後大北
之人兩北相攻甚於水火李慶全調濟兩間擬使相
和如此云

鄭蘊

字恢遠号桐溪草澤人光海時登芥下田立
節退故卒於山中宦至吏曹參判謚文簡

公丙子扈駕在南漢圍城中作詩曰炮群四震如雷
動撞破孤城士氣泛惟有老臣談笑聽俶將茅屋號
從容又云生世多崎險三旬月暈中一身無足惜千
乘奈云窮外絕勤王士朝多賣國去老臣何所事腰
下帶霜鋒

公聞國書中稱臣乞和憤曰主辱至此臣何敢愛死
晨起慟哭正其衾枕而卧拔佩刀刺其腹侍者聞衾
視之刃沒腹鮮血迸出氣略亡絕者良久朝紳相識
咸求救之得不殊公笑謂人曰吾平日讀書鹵莽不
知伏劔之義乃至是也聞上出城幸虜營病不能

送駕上剗以辭卧竹便裏而南不處其家曰吾不死
南漢何面目自安妻子之奉遂入德裕山其里谷結
茅舍畊林田以度朝夕終畢命於此書崇禎十年曆
曰崇禎年號止於斯明歲郝堪具曆披從此人山左
省事只看花葉驗時移偶吟詩曰揮劍初期一死邁
如何殘命尚頑愁仲連高潔終難改元亮田園可省
愆示諸子詩曰登山採薇應知死因樹為家亦豈安
當日未聞諸子沮送末孝道在承歡
題詩長風跋上云凍雨霏々洒晚天前山雲霧接村
烟漁翁不識蓑衣濕閒傍芦花共鷺眠

公於光海朝上書請斬鄭沆曰不斬鄭沆 殿下無
面目入 先王廟遑光海大怒拿鞫仍命圍籬安置
於大靜權輜以詩送之曰罪在難容死亦甘聖恩猶
許謫江南臨歧別有窮天痛慈母時年七十三鞫即
鞫之第也 出朝野雜探

李植

字汝國号澤堂涇水人特之玄孫光海時登
蔡仁祖朝逆湖堂四典文獻官至吏曹判書

津堂忠州東樓詩宏逸可咏其詩云宮堯飛閣郡城
隈俯視中州氣壯哉山鎮東南尊月岳山殺西北抱
琴臺乾坤繼目青春動今古傷心白髮催已覺元龍

豪氣盡明朝投絃可末有人母謂津堂曰敢中公之
平生佳心津堂曰實無佳心只忠州東樓心一篇補
可意之

太醫朴恭元喪少女求挽於津堂亡即題贈五律
其韻聯云短命天應定良方父亦迷造次立語精功
無比玄谷嘗與谿谷畸翁津堂白洲諸公游漢江亭
榭飲酒賦詩津堂一聯之開樽山色動繫馬樹清諸
君擊節歆賞陰

澤堂當香朝有除必辭以吏佐赴東岳幕府過海西
時休府賁畫使李時蒞在黃州正值清明相邀踏青

屏從步上館北松岡密問津堂曰近看內面氣色如
何術士或言近日將有大變公意如何津堂笑曰吾
不着烏帽累年今忽此行必有變故也李笑曰君之
烏帽恰似禹昇枕詩也禹乃清州人博於經書而不
能詩壬辰春心律一首俳人以為變在末幾倭兵大
至丁酉春賦絕句一首未幾倭入兩湖如此事不可
忽者也

次西礪奎尚憲贈李知事韻二首云冠蓋無端會塞
門一城分占小丘園壽星天上應分照末歲須啟漢
上村又落羽窮鱗意更親人間憂喜亦相因嵩軀鼓

道星文應且作高顏第四人元韵二首天涯邂逅接
柴門歡會依然似故園它日龍灣輿地誌定知編入
星壽村又雨散星難未易親開山萍水豈前因明季
各有東南去更說羌州憶故人

沈挺世得 宣廟書扇詩今不知何自而刻傅子世
巡川李子陵自以為其田野之居有類於詩中語作
帖為昼求詩於諸學士云秋水和烟釣春田帶雨耕
即其詩句泮堂詩曰小少窺 宸蹟多歲是沈生摹
傅招妙絕詩昼亦隨成釣石君新掃畝田我舊耕心
依須及早此外更何營

